

四	漢
四	書
一	門
二	
一	
九	
八	
〇	
七	
冊	
架	
函	
號	
類	

三	內
八	閣
一	文
冊	庫
四	
四	
一	
九	
冊	
架	
函	
號	
類	

內閣文庫	
番號	漢 4419
冊數	8 (1)
函號	281 12

281-12

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak



五代史目錄

宋歐陽脩撰

皇明詹事府少詹事兼翰林院侍讀學士暫掌國子監事臣敖文禎

承德即右春坊右中允管國子監司業事臣黃汝良等奉

勅重較刊

皇明勅列大夫國子監祭酒臣吳士元

承德即司業仍加俸一級臣黃錦等奉

旨重修

卷一

梁本紀第一

太祖上

卷二

梁本紀第二

萬曆一十八年刊

五代史目錄

一

太祖下

卷三

梁本紀第三

末帝

卷四

唐本紀第四

莊宗上

卷五

唐本紀第五

莊宗下

卷六

唐本紀第六

明宗

卷七

唐本紀第七

愍帝

廢帝

卷八

晉本紀第八

高祖

萬曆二十八年刊

卷九

晉本紀第九

出帝

卷十

漢本紀第十

高祖

隱帝

卷十一

周本紀十一

太祖

卷十二

周本紀第十二

世宗

恭帝

卷十三

梁家人傳第一

太祖文惠皇后王氏

陳昭儀

末帝妃張氏

太祖子友裕

元貞皇后張氏

李昭容

妃郭氏

友珪

友璋

友雍

友徽

友孜

友文

兄全昱

全昱子友諒

友能

友誨

兄存子友寧

友倫

卷十四

唐太祖家人傳第二

太祖劉太妃

貞簡皇后曹氏

莊宗神閔敬皇后劉氏

淑妃韓氏

德妃伊氏

太祖子存美

存霸

存禮

存渥

存义

存確

存紀

太祖弟克讓

克修

克修子嗣弼

嗣肱

克恭

克寧

克寧子瓌

莊宗子繼良

繼潼

繼嵩

繼蟾

繼堯

卷十五

唐明宗家人傳第三

明宗和武憲皇后曹氏

昭懿皇后夏氏

宣憲皇后魏氏

淑妃王氏

愍帝哀皇后孔氏

明宗子從璟

從榮

從益

姪從璨

從璋

從溫

從敏

卷十六

唐廢帝家人傳第四

皇后劉氏

子重吉

重美

卷十七

晉家人傳第五

高祖皇后李氏

太妃安氏

出帝皇后馮氏

高祖子重信

重义

重英

重進

重睿

重杲

高祖叔父萬友

萬友子敬威

敬贊

萬銓

萬銓子敬暉

高祖兄敬儒

高祖弟敬德

敬殷

重胤

出帝子延煦

延寶

卷十八

漢家人傳第六

高祖皇后李氏

高祖弟崇信

高祖子承訓

承勲

姪贊

卷十九

周太祖家人傳第七

聖穆皇后柴氏

淑妃楊氏

貴妃張氏

德妃董氏

子侗

信

姪守愿

奉超

遜

卷二十

周世宗家人傳第八

柴守禮

世宗貞惠皇后劉氏

宣懿皇后符氏

後立皇后符氏

世宗子誼

誠

誠

熙讓

熙謹

熙誨

卷二十一

梁臣傳第九

敬翔

朱珍

李唐賓

龐師古

葛從周

霍存

張存敬

符道昭

劉捍

寇彥卿

卷二十二

梁臣傳第十

康懷英

劉鄩

牛存節

張歸霸歸厚

王重師

徐懷玉

卷二十三

梁臣傳第十一

楊師厚

王景仁

賀瓌

王檀

馬嗣徽

王虔裕

謝彥章

卷二十四

唐臣傳第十二

郭崇韜

安重誨

卷二十五

唐臣傳第十三

周德威

符存審

史建瑭

子匡翰

王建及

元行欽

安金全

袁建豐

西方艱

卷二十六

唐臣傳第十四

符習

烏震

孔謙

張延朗

李巖

李仁矩

毛璋

卷二十七

唐臣傳第十五

朱弘昭

馮贊附

劉延朗

萬曆二十八年刊

康思立

康義誠

藥彥稠

卷二十八

唐臣傳第十六

豆盧革

盧程

任圜

趙鳳

李襲吉

張憲

蕭希甫

劉贊

何瓚

卷二十九

晉臣傳第十七

桑維翰

景延廣

吳巒

卷三十

漢臣傳第十八

蘇逢吉

史弘肇

楊邠

王章

劉銖

李業

聶文進

後贊

郭允明

卷三十一

周臣傳第十九

王朴

鄭仁誨

扈載

卷三十二

死節傳第二十

王彥章

裴約附

劉仁贍附

卷三十三

死事傳第二十一

張源德

夏魯奇

姚洪

王思同

張敬達

翟進宗

沈斌

王清

史彥超

孫晟

卷三十四

一行傳第二十二

鄭遨

張薦明

石昂

程福贇

李自倫

卷三十五

唐六臣傳第二十三

張文蔚

楊涉

張策

趙光逢

薛貽矩

蘇循 杜曉附

卷三十六

義兒傳第二十四

李嗣昭

嗣本

嗣恩

存信

存孝

存進

存璋

存賢

卷三十七

伶官傳第二十五

敬新磨

景進

史彥瓊

郭從謙

卷三十八

宦者傳第二十六

張承業

張居翰

卷三十九

雜傳第二十七

王鎔

羅紹威

王處直

劉守光

卷四十

雜傳第二十八

李茂貞

韓建

李仁福

韓遜

楊崇本

高萬興

溫韜

卷四十一

雜傳第二十九

盧光稠

譚全播

雷滿

鍾傳

趙匡凝

卷四十二

雜傳第三十

朱宣

瑾

王師範

李罕之

孟方立

王珂

趙犇

馮行襲

卷四十三

萬曆二十八年刊

五代史目錄

十一

雜傳第三十一

氏叔琮

李彥威

李振

裴迪

韋震

孔循

孫德昭

王敬堯

蔣殷

卷四十四

雜傳第三十二

劉知俊

丁會

賀德倫

閻寶

康延孝

卷四十五

雜傳第三十三

張全義

朱友謙

袁象先

朱漢賓

段凝

劉玘

周知裕

陸思鐸

卷四十六

雜傳第三十四

趙在禮

霍彥威

萬曆二十八年刊

房知溫

王晏球

安重霸

王建立

康福

郭延魯

卷四十七

雜傳第三十五

華溫琪

葛從簡

張筠 弟鑊

楊彥詢

李周

劉處讓

李承約

張希崇

相里金

張廷蘊

馬全節

皇甫遇

安彥威

李瓊

劉景巖

卷四十八

雜傳第三十六

盧文進

李金全

楊思權

王弘贇

劉審交

王周

高行周 行珪

白再榮

安叔千

卷四十九

雜傳第三十七

翟光鄴

馮暉

皇甫暉

唐景思

王進

常思

孫方諫

卷五十

雜傳第三十八

王峻

王殷

劉詞

王環

析從阮

卷五十一

雜傳第三十九

朱守殷

董璋

范延光

婁繼英

安重榮

安從進

楊光遠

卷五十二

雜傳第四十

杜重威

李守貞

張彥澤

卷五十三

雜傳第四十一

王景崇

趙思綜

慕容彥超

卷五十四

雜傳第四十二

馮道

李琪 兄瑛

鄭珏

李愚

盧導

司空頰

卷五十五

雜傳第四十三

劉昫

盧文紀

馬胤孫

姚顛

劉岳

馬縞

盧損

崔居儉

崔枕

李譯

卷五十六

雜傳第四十四

萬曆二十八年刊

五竹堂目錄

十一

和凝

趙瑩

馮玉

盧質

呂琦

薛融

何澤

王權

史珪

龍敏

卷五十七

雜傳第四十五

李崧

李麟

賈緯

段希堯

張允

王松

裴緯

王仁裕

裴羽

王延

馬重績

趙延義

卷五十八

司天考第一

卷五十九

司天考第二

卷六十

職方考第三

卷六十一

萬曆二十八年刊

五代史目錄

七

吳世家第一

卷六十一

南唐世家第二

卷六十二

前蜀世家第三

卷六十三

後蜀世家第四

卷六十四

南漢世家第五

卷六十五

楚世家第六

卷六十六

吳越世家第七

卷六十七

閩世家第八

卷六十八

南平世家第九

卷六十九

東漢世家第十

卷七十

萬曆二十八年刊

五代史目錄

七

十國世家年譜第十一

卷七十二

四夷附錄第一

卷七十三

四夷附錄第二

卷七十四

四夷附錄第三

徐無黨曰凡諸國名號梁本紀自封梁王以後始稱梁唐本紀自封晉王以後始稱晉自建國號唐以後始稱唐各從其實也自傳而下於未封王建國之前或稱梁稱晉稱唐者史官從後而追書也唐嘗稱晉而石敬瑭又稱晉李昇又稱唐劉襲已稱漢而劉晏又稱漢王建已稱蜀而孟知祥又

稱蜀石晉自為一代不待別而可知唐漢蜀則東南前後以別其世家梁初嘗封沛東平南唐嘗稱齊三號當時已不顯著故皆畧而不道五代亂世名號交雜而不常史家撰述隨事為文要於理通事見而已覽者得以詳焉

五代史目錄終

五代史目錄終

五代史卷一

宋歐陽修撰

皇明詹事府少詹事兼翰林院侍讀學士暫掌國子監事臣敖文禎

勅重較刊 承德郎右春坊右中允管國子監司業事臣黃汝良等奉

旨重修 皇明朝列大夫國子監祭酒 臣吳士元 承德郎司業仍加俸一級 臣黃錦等奉

梁本紀第一

本紀因舊以為名本原其所始起而紀次其事與時也即位以前其事詳原本其所自來故曲而備之見其起之有漸有暴也即位以後其事畧居尊任重所責者大故所書者簡惟簡乃可立法

太祖神武元聖孝皇帝姓朱氏宋州碭山午溝里人也

其父誠以五經教授鄉里生三子曰全昱存溫變諱某書名義

萬曆一十八年刊

在稱王

誠卒三子貧不能為生與其母傭食蕭縣人劉

崇家全豈無他材能然為人頗長者存溫勇有力而溫

尤兇悍唐僖宗乾符四年黃巢起曹濮存溫亡入賊中

巢攻嶺南存戰死巢陷京師以溫為東南面行營先鋒

使攻陷同州以為同州防禦使是時天子在蜀諸鎮會

兵討賊

諸鎮記當時語也唐調節度使所治

溫數為河

中王重榮所敗屢請益兵於巢巢中尉孟楷抑而不通

溫客謝瞳說溫曰黃家起於草莽幸唐衰亂直投其隙

而取之爾非有功德興王之業也此豈足與共成事哉

今天子在蜀諸鎮之兵日集以謀興復是唐德未厭於

人也且將軍力戰于外而庸人制之於內此章邯所以

背秦而歸楚也溫以為然乃殺其監軍嚴實自歸于河

中因王重榮以降都統王鐸承制拜溫左金吾衛大將

軍河中行營招討副使天子賜溫名全忠中和三年三

月拜全忠汴州刺史宣武軍節度使四月諸鎮兵破巢

復京師巢走藍田七月丁卯全忠歸于宣武是歲黃巢

出藍田關陷蔡州節度使秦宗權叛附于巢遂圍陳州

徐州時溥

凡稱某州某人者皆其節度使

為東南面行營兵馬都統會

東諸鎮兵以救陳陳州刺史趙犍亦乞兵于全忠溥雖

為都統而不親兵四年全忠乃自將救犍率諸鎮兵擊

為都統而不親兵四年全忠乃自將救犍率諸鎮兵擊

敗巢將黃鄴尚讓等驍以全忠爲德始附屬焉是時河東李克用下兵太行渡河出洛陽與東兵會擊巢巢已敗去全忠及克用追敗之于鄆城巢走中牟又敗之于王滿巢走封丘又大敗之巢挺身東走至泰山狼虎谷爲時溥追兵所殺九月天子以全忠爲檢校司徒同中書門下平章事封沛郡侯光啓二年三月進爵王義成軍亂逐其節度使安師儒推牙將張驍爲留後師儒來奔殺之遣朱珍李唐賓陷滑州以胡眞爲留後十二月封吳興郡王自黃巢死秦宗權稱帝陷陝洛懷孟唐許汝鄭州遣其將秦賢盧瑋張晁攻汴賢軍板橋晁軍

北郊瑋軍萬勝環汴爲三十六柵王顧兵少不敢出

稱名既而稱爵既而稱帝乃遣朱珍募兵於東方而

求救於兗鄆三年春珍得兵萬人馬數百匹以歸乃擊

賢板橋拔其四柵又擊瑋萬勝瑋敗投水死宗權聞瑋

等敗乃自將精兵數千柵北郊五月兗州朱瑾鄆州朱

宣來赴援

流俗本宣從王者非

王置酒軍中中席王陽起如廁以

輕兵出北門襲晁而樂聲不輟晁不意兵之至也兗鄆

之兵又從而合擊遂大敗之斬首二萬餘級宗權與晁

夜走過鄭屠其城而去宗權至蔡復遣張晁攻汴王聞

晁復來登封禪寺後岡望晁兵過遣朱珍躡之戒曰晁

見吾兵必止望其止當速返毋與之鬪也已而晁見珍
在後果止珍卽馳還王令珍引兵蔽大林而自率精騎
出其東伏大冢間晁止而食食畢拔旗幟馳擊珍珍兵
小却王引伏兵橫出斷晁軍爲三而擊之晁大敗脫身
走宗權怒斬晁而河陽陝洛之兵爲宗權守者聞蔡精
兵皆已殲於汴因各潰去故諸葛爽將李罕之取河陽
張全義取洛陽以來附十月天子使來賜王紀功碑朱
宣朱瑾兵助汴已破宗權東歸王移檄兗鄆誣其誘汴
亡卒以東乃發兵攻之取其曹州濮州遂遣朱珍攻鄆
州大敗而還十二月天子使來賜王鐵券及德政碑淮

南節度使高駘死楊行密入揚州天子以王兼淮南節
度使王乃表行密爲副使以行軍司馬李璠爲留後璠
之揚州行密不納文德元年正月王如淮南至宋州而
還是時秦宗權陷襄州以趙德諱爲節度使德諱叛于
宗權以來附天子因以王爲蔡州四面行營都統以德
諱爲副三月庚子僖宗崩天雄軍亂囚其節度使樂彥
貞其子相州刺史從訓攻魏來乞兵遣朱珍助從訓攻
魏而魏軍殺彥貞從訓戰死魏人立羅弘信珍乃還張
全義取河陽逐李罕之罕之奔于河東李克用遣兵圍
河陽全義來求救遣丁會牛存節救之擊敗河東兵于

汜河五月行營討蔡州圍之百餘日不克是時時溥已
爲東南面都統又以王統行營而溥猶稱都統王乃上
書論溥討蔡無功而不落都統且欲激怒溥以起兵端
初高駢死淮南亂楚州刺史劉瓚來奔納之及王兵次
蔡不克還欲攻徐乃遣朱珍將兵數千以東聲言送黃
還楚州溥怒論已又聞珍以兵來果出兵拒之珍戰于
吳康大敗之取其豐蕭二縣遂攻宿州下之珍屯蕭縣
別遣龐師古攻徐州龍紀元年正月師古敗溥于呂梁
淮西牙將申叢執秦宗權折其足將檻送京師別將郭
璠殺叢篡宗權以來獻王遣行軍司馬李璠獻俘于京
師表郭璠淮西留後三月天子封王爲東平王七月朱
珍殺李唐賓王如蕭縣執珍殺之遂攻徐州冬大雨水
不能屯軍而旋初秦宗權遣其弟宗衡掠地淮南是歲
宗衡爲其將孫儒所殺儒攻揚行密于揚州淮南大亂
行密走宣州儒入揚州大順元年春遣龐思古攻孫儒
于淮南大敗而還四月宿州將張筠以宿州復歸于時
溥王自將攻之不克初黃巢敗走李克用追之至于寬
胸不及而旋過汴駐軍于北郊王邀克用置酒上源驛
夜以兵攻之克用踰城而免訟其事于京師天子知曲
在汴而和解之至是張濬私與汴交王厚之以賂濬爲

五代史卷一
五
汴請伐河東唐諸大臣皆以爲不可與師濟挾汴力請
益堅天子不得已而許之五月以濟爲太原四面行營
都統王爲東南面招討使然王不親兵以兵三千屬濟
而已濟屯于陰地河東叛將馮霸殺潞州守將李克恭
來降遣葛從周入潞州李克用遣康君立攻之從周走
河陽九月王如河陽十月天子以王兼宣義軍節度使
遂如滑州假道于魏以攻河東且責其軍須亦所以怒
魏爲兵端也魏人果以謂非兵所當出而辭以糧乏皆
不許於是攻魏十一月張濟之師大敗于陰地二年正
月王及魏人戰于內黃大敗之屠故元城羅弘信來送

欵十月克宿州十一月曹州將郭紹賓殺其刺史郭儼
來降十二月丁會敗朱瑾于金鄉景福元年二月攻鄆
州前軍朱友裕敗于斗門王軍後至又敗而還冬友裕
取濮州遂攻徐州二年四月龐師古克徐州殺時溥王
如徐州以師古爲留後遂攻交鄆乾寧元年二月王及
朱宣戰于漁山大敗之二年八月又敗宣于梁山十一
月又敗之于鉅野交鄆求救于河東李克用發兵救之
假道于魏旣而魏人擊之克用怒大舉攻魏羅弘信來
求救遣葛從周救魏是歲李克用封晉王三年五月戰
于洹水擒克用于落落送于魏殺之七月鳳翔李茂貞

犯京師天子出居于華州王請以兵赴難天子優詔止之又請遷都洛陽不許四年正月龐師古克鄆州王如鄆州以朱友裕爲留後遂攻兖州朱瑾奔于淮南以葛從周爲兖州留後九月攻淮南龐師古出清口葛從周出安豐王軍屯于宿州楊行密遣瑾先擊清口師古敗死從周亟返兵至于泝河瑾又敗之王懼馳歸光化元年三月天子以王兼天平軍節度使四月遣葛從周攻晉之山東取邢洛磁三州襄州趙匡凝自其父德諲時來附匡凝又與楊行密李克用通而其事泄七月遣氏叔琮康懷英攻匡凝取其泌隨鄧三州

曾三異校定曰二異案唐書地

理志唐州天祐三年牛全忠徙治泌陽表更乞泌州則是天祐二年唐州舊名猶在至三年始更爲泌光化之初未常有泌州之名今書爲泌則誤也

匡凝請和乃止十二月李罕之以潞州來降二年幽州劉仁恭攻魏羅紹威來求救王救魏敗仁恭于內黃四月遣氏叔琮攻晉太原不克七月李克用取澤潞十一月保義軍亂殺其節度使王珙推其牙將李璠爲留後其將朱簡殺璠來降以簡爲保義軍節度使三年四月遣葛從周攻劉仁恭之滄州取其德州及仁恭戰于老鴟堤大敗之八月晉取潞州王如潞州復取之是時鎮定皆附于晉遂攻鎮州破臨城王鎔來送欵進攻定州王部奔于晉其將王處直以定州

降唐宦者劉季述作亂天子幽于東宮天復元年正月
護駕都頭孫德昭誅季述天子復立封王爲梁王遣張
存敬攻王珂于河中出合山下晉絳二州王珂求救于
晉晉不能救乃來降三月大舉攻晉氏叔琮出太行取
澤潞葛從周張存敬侯言張歸厚及鎮定之兵皆會于
太原圍之不克遇雨而退五月天子以王兼河中尹護
國軍節度使六月晉取慈隰自劉季述等已誅宰相崔
胤外與梁交欲假梁兵誅宦者而鳳翔李茂貞邠寧
王行瑜等皆遣子弟以兵宿衛天子宦者韓全誨等
亦因恃以爲助天子與胤計事宦者屬耳頗聞之乃選

美女內之宮中陰令伺察其實久之果得胤奏謀所以
誅宦者之說全誨等大懼日夜相與涕泣懇圖胤以求
全胤知謀泄事急卽矯爲制召梁兵入誅宦者十月王
以宣武宣義天平護國兵七萬至于河中取同州遂攻
華州韓建出降全誨等聞梁王兵且至卽以岐邠宿衛
兵劫天子奔于鳳翔王乃上書言胤所以召之之意天
子怒罷胤相責授工部尚書詔梁兵還鎮王引兵去攻
邠州屯于三原邠州節度使楊崇本以邠寧慶衍四州
降崔胤奔于華州二年春王退軍于河中晉攻晉絳遣
朱友寧擊敗晉軍于蒲縣取汾慈隰遂圍太原不克而

還汾慈隰復入于晉四月友寧引兵西至興平及李茂
貞戰于武功大敗之王兵犯鳳翔茂貞數出戰輒敗遂
圍之十一月鄜坊李周彝以兵救鳳翔王遣孔勅襲鄜
州虜周彝之族徙于河中周彝乃降是時岐兵屢敗而
圍久城中食盡自天子至後宮皆凍餒三年正月茂貞
殺韓全誨等二十人囊其首示梁軍約出天子以爲解
甲天子出幸梁軍遣使者馳召崔胤胤託疾不至王使
人戲胤曰吾未識天子懼其非是子來爲我辨之天子
還至興平胤率百官奉迎王自爲天子執轡且泣且行
行十餘里止之見者咸以爲忠已巳天子至自鳳翔素

服哭于太廟而後入殺宦者七百餘人二月甲戌天子

賜王回天再造竭忠守正功臣以輝王肅爲諸道兵馬

元帥王爲副元帥王乃留子友倫爲護駕指揮使

定曰三異案家人傳友倫乃王兄存以爲天子衛引兵

東歸天子餞于延喜樓賜楊柳枝五曲初梁兵已西青

州王師範遣其將劉鄩襲據梁交州王已還梁四月如

鄆州遣朱友寧攻青州師範敗之于石樓友寧死九月

楊師厚敗青人于臨胸取其棣州師範以青州降而鄆

亦降友倫擊鞠墮馬死王怒以崔胤殺之遣朱友謙殺

胤于京師

曾三異校定曰三異案家人傳殺崔胤者朱友謙非友謙

其與友倫擊鞠

者皆殺之自天子奔華州王請遷都洛陽雖不許而王命河南張全義修洛陽宮以待天祐元年正月王如河中遣牙將寇彥卿如京師請遷都洛陽并徙長安居人以東天子行至陝州王朝于行在先如東都是時六軍諸衛兵已散亡其從以東者小黃門十數人打球供奉內園小兒等二百餘人行至穀水王教醫官許昭遠告其謀亂悉殺而代之然後以聞由是天子左右皆梁人矣四月甲辰天子至自西都是時晉王李克用岐王李茂貞楚王趙匡凝蜀王王建吳王楊行密

用本紀及茂貞傳建行密世家皆書其在唐所授獨匡凝不書其在唐此乃闕文

曾三異校定曰三異案克

洛陽皆欲舉兵討梁王大懼六月楊崇本復附于岐王乃以兵如河中聲言攻崇本遣朱友恭氏叔琮蔣玄暉等行弒昭宗崩十月王朝于京師殺朱友恭氏叔琮十一月攻淮南取其光州攻壽州不克而旋二年二月遣蔣玄暉殺德王裕等九王于九曲池六月殺司空裴贇等百餘人七月天子復使來賜王迎鑾紀功碑王欲代唐使人諭諸鎮襄州趙匡凝以為不可遣楊師厚攻之取其唐鄧復郢隨均房七州王如襄州軍于漢北九月師厚破襄州匡凝奔于淮南師厚取荆南荆南留後趙匡明奔于蜀遂出光州以攻壽州不克天子卜祀于南

五竹文卷一
郊王怒以爲蔣玄暉等欲祈天以延唐天子懼改卜郊
十一月辛巳天子封王爲魏王相國摠百揆以宣武宣
義天平護國天雄武順祐國河陽義武昭義武寧保義
忠義武昭武定泰寧平盧匡國鎮國荆南忠武二十一
軍爲魏國備九錫王怒不受十二月天子以王爲天下
兵馬元帥王益怒遣人告樞密使蔣玄暉與何太后私
通殺玄暉而焚之遂弒太后于積善宮又殺宰相柳璨
太常卿張延範車裂以徇天子下詔以太后故停郊三
年春魏州羅紹威謀殺其牙軍來假兵以虞變王爲發
兵北攻劉仁恭之滄州兵過魏而紹威已殺牙軍其兵

之在外者果皆叛據貝衛檀博州王以兵悉殺之遂攻
滄州軍于長蘆劉仁恭求救于晉晉人取潞州王乃旋
軍

五代史卷一

五代史卷一終

五代史卷二

宋歐陽修撰

皇明詹事府少詹事兼翰林院侍讀學士暫掌國子監事臣赦文禎

勅重較刊 承德郎右春坊右中允管國子監司業事臣黃汝良等奉

皇明朝列大夫國子監祭酒 臣吳士元 承德郎司業仍加俸一級 臣黃錦等奉

旨重修

梁本紀第二

開平元年春正月壬寅天子使御史大夫薛貽矩來勞

軍宰相張文蔚率百官來勸進夏四月壬戌更名晃甲

子皇帝即位自即位以後大事則書變古則書非常則書意有所示則書後有所因則書非此五

者則戊辰大赦赦文皆曰大赦天下此書大見其志之

不萬曆二十八年刊

五代史卷二

本已

一

改元國號梁封唐主為濟陰王謂天子為唐主錄其本語如此升汴州

為開封府建為東都以唐東都為西都廢京兆府為雍

州州縣廢置見職方考惟京都則書之賜東都酺一日契丹阿保機使袍

笏梅老來夷狄來不言朝不責其禮不言貢不責其物故書已來五代亂世著其屢來以見夷狄之

來不來不因治亂而亂世屢來不足貴也五月丁丑朔以唐相張文蔚楊涉

為門下侍郎御史大夫薛貽矩為中書侍郎同中書門

下平章事戊寅渤海契丹遣使者來夷狄君臣姓名官爵或書或不

備或因其舊史之詳畧但書其來以示意爾乙酉封兄全昱為廣王子友文

博王友文非子而書子語在家人傳友珪郢王友璋福王友貞均王友

徽建王姪友諒衡王友能惠王友誨邵王甲午改樞密

院為崇政院太府卿敬翔為使是月潞州行營都指揮

使李思安及晉人戰敗績敗績彼敗曰敗之文

地六月甲寅平盧軍節度使韓建守司徒同中書門下

平章事秋七月己亥追尊祖考為皇帝妣為皇后皇高

祖黯諡曰宣元廟號肅祖祖妣范氏諡曰宣僖曾祖茂

琳諡曰光獻廟號敬祖祖妣楊氏諡曰光孝祖信諡曰

昭武廟號憲祖祖妣劉氏諡曰昭懿考誠諡曰文穆廟

號烈祖妣王氏諡曰文惠八月丁卯同州野蚘蟲生隰

州黃河清於此書見不為瑞也九月括馬冬十月己未講武于繁

臺十一月壬寅赦亡命背軍髡黥刑徒於好殺之世小赦必書見其亦

有愛人之意也

二年春正月丁酉渤海遣使者來已亥卜郊於西都弒

濟陰王

弒臣子之大惡也書濟陰王從其實書弒正梁罪名

二月辛未契丹阿保

機遣使者來三月壬申朔如西都

幸已王也如往而幸至之辭書如則在道

有事可

丙子如懷州

五代亂世兵無虛日不可悉書故用兵無勝敗攻城無得失皆不書

其命大將與天子有所如自著大事

丁丑如澤州戊寅

封鴻臚卿李崧介國公為二王後

梁嘗更戊曰武而舊史悉復為戊

午匡國軍節度使劉知俊為潞州行營招討使癸巳卜

郊張文蔚薨夏四月癸卯楊涉罷吏部侍郎于兢為中

書侍郎翰林學士承旨禮部侍郎張策為刑部侍郎同

中書門下平章事壬子至澤州五月己丑潞州行營都

虞候康懷英及晉人戰于夾城敗績

築城圍潞戰于城中故書地

戌立唐三廟契丹遣使者來六月壬寅忠武軍節度使

劉知俊為西路行營招討使以伐岐

用兵之名有四兩相攻曰攻以大加

卜曰伐有罪曰討天子自往曰征

巴酉殺金吾衛上將

軍王師範滅其族

當殺曰伏誅不當殺者以兩相殺為文

丙辰劉知俊及

岐人戰于漢谷敗之秋九月丁丑如陝州

以晉人攻博晉終故也

王友文留守東都冬十月丁未至自陝州十一月癸巳

張策罷左僕射楊涉同中書門下平章事十二月己亥

以介國公為三恪鄴國公萊國公為二王後

三年春正月甲戌如西都復燃燈以祈福燃燈風俗相傳自天子至

於庶人舉天下同其奢樂而風俗敝之大者故錄其詔意則其失可知庚寅享于太廟辛

卯有事于南郊祀天子南郊書曰有事錄當時語大赦丙申羣臣上尊

號曰睿文聖武廣孝皇帝二月壬戌講武于西杏園甲

子延州高萬興叛于岐來降唐末之亂疆弱相并或去彼來此不可為常難於遽

責至此乃書曰叛始正其定分也三月辛未渤海國王大譴譔遣使者

來甲戌如河中以高萬興降劉知俊兵攻鄜延故也山南東道節度使楊

師厚為潞州四面行營招討使劉知俊取丹州夏四月

丙午知俊克延鄜坊三州易得曰取難得曰克文理宜然爾五月己卯

三日河中殺佑國軍節度使王重師六月庚戌劉知俊

執祐國軍節度使劉捍叛附于岐以身歸曰降以地歸曰附亦文理宜然知

俊為忠武軍節度使以同州附岐今直書知俊叛而不言地蓋忠武已見上文辛亥如陝州劉

知俊叛故也乙卯冀王朱友謙為同州東面行營招討使劉

知俊奔于岐丹州軍亂逐其刺史宋知誨秋七月商州

軍亂逐其刺史李稠稠奔于岐乙丑克丹州執其首惡


王行思初不知首惡之人故直曰軍亂既克而推得之也丹州無主將姓名行思無官爵又不見伏誅

之日皆舊史失之乙亥至自陝州甲申襄州軍亂殺其留後王

班智不足以衛身才不足以治衆而見殺者不書死之而以被殺為文見死得其死者士之大節不妄以事

人房州刺史楊虔叛附于蜀八月辛亥降死罪囚辛酉

均州刺史張敬方克房州執楊虔閏月癸酉契丹遣使



者來已卯閱稼于西苑九月壬寅行營招討使左衛上

將軍陳暉克襄州執其首惡李洪命暉討亂舊史失不

推得其首惡故丁未保義軍節度使王檀為潞州東面

行營招討使辛亥韓建楊涉罷太常卿趙光逢為中書

侍郎翰林學士承旨工部侍郎杜曉為戶部侍郎同中

書門下平章事辛酉李洪楊虔伏誅冬十一月甲午日

南至告謝于南郊南至不必書因其以至日告謝而書

南郊亦從其本語巴西搜訪賢良鎮國軍節度使康懷

英伐岐十二月懷英克寧慶衍三州及劉知俊戰于升

平敗績

四年春正月壬辰朔始用樂自唐末之亂禮樂亡丁未

講武于榆林二月己丑閱稼于穀水秋八月丙寅如陝

州以岐人晉人河南尹張宗奭留守西都辛未議國軍

節度使楊師厚為西路行營招討使以伐岐九月己丑

至自陝州辛亥搜訪賢良冬十一月己丑寧國軍節度

使王景仁為北面行營招討使以伐趙趙王王鎰北平

王王處直叛附于晉晉人救趙十二月癸酉頒律令格

式

乾化元年春正月丁亥王景仁及晉人戰于栢鄉敗績

庚寅赦流罪以下四求危言正諫癸巳天雄軍節度使

楊師厚為北面行營招討使夏四月壬申契丹阿保機遣使者來五月甲申朔大赦改元癸巳幸張宗奭第秋八月戊辰閱稼于榆林渤海遣使者來戊寅大閱于興安鞠場九月辛巳朔御文明殿入閣御殿而云入閣錄其本語書之以見禮失事在李琪列傳此禮其後屢行皆不書一書以見其失足矣庚子如魏州以晉人攻魏故也張宗奭留守西都冬十月丙子大閱于魏東郊十一月高萬興取鹽州壬辰至自魏州乙未回鶻吐蕃遣使者來

二年春二月丁巳光祿卿盧玘使于蜀甲子如魏州亦

晉人及鎮定攻相魏也張宗奭留守西都次白馬殺左散騎常侍

孫騰右諫議大夫張衍兵部郎中張儁戊寅如貝州三月丙戌屠秦彊書屠著其酷之甚者丁未復如魏州夏四月己巳

至自魏州下書如西都則此至東都可知戊寅如西都五月丁亥德音

降死罪已下囚德音赦之小者從其本名以著其實罷役徒禁屠及捕生

渤海遣使者來是月薛貽矩薨六月疾革郢王友珪反

叛者背此而附彼猶臣於人也反自下謀上惡逆之大者也日月之書不書雖無義例而事亦有不得而日反

共一朝一夕不能得其日故反者皆不日戊寅皇帝崩年六十一不書崩處以異於得其終者乾

化二年十一月友珪葬之河南伊闕縣號宣陵以不得其死故不書葬

嗚呼天下之惡梁久矣自後唐以來皆以為偽也至于

論次五代獨不偽梁而議者或譏予大失春秋之旨以

謂梁負大惡當加誅絕而反進之是獎篡也非春秋之志也予應之曰是春秋之志爾魯桓公弑隱公而自立者宣公弑子赤而自立者鄭厲公逐世子忽而自立者衛公孫剽逐其君衎而自立者聖人於春秋皆不絕其爲君此予所以不僞梁者用春秋之法也然則春秋亦獎篡乎曰惟不絕四者之爲君於此見春秋之意也聖人之於春秋用意深故能勸戒切爲言信然後善惡明夫欲著其罪於後世在乎不沒其實其實嘗爲君矣書其爲君其實篡也書其篡各傳其實而使後世信之則四君之罪不可得而掩爾使爲君者不得掩其惡然後人知惡名不可逃則爲惡者庶乎其息矣是謂用意深而勸戒切爲言信而善惡明也桀紂不待貶其王而萬世所共惡者也春秋於大惡之君不誅絕之者不害其褒善貶惡之旨也惟不沒其實以著其罪而信乎後世與其爲君而不得掩其惡以息人之爲惡能知春秋之此意然後知予不僞梁之旨也

五代史卷二終

五代史卷三

朱歐陽 修 撰

皇明詹事府少詹事兼翰林院侍讀學士暫掌國子監事臣敖文禎

承德郎左春坊右中允管國子監司業事臣黃汝良等奉

勅重校刊

皇明朝對大夫國子監祭酒臣吳士元

承德郎司業仍加俸一級臣黃錦等奉

旨重修

梁本紀第三

末帝太祖第三子友貞也末非諡號為人美容貌沈厚

寡言雅好儒士太祖卽位封均王爲左天興軍使東京

馬步軍都指揮使乾化二年六月太祖遇弒友珪自立

殺博王友文以弒帝之罪歸之以王爲東京留守開封

萬曆二十八年刊

五代史卷三

七

尹敬翔爲中書侍郎同中書門下平章事兵部尚書李
振爲崇政院使明年友珪改元曰鳳曆二月駙馬都尉
趙巖至東都王私與之謀遣馬慎交之魏州見楊師厚
計事師厚遣小校王舜賢至洛陽告左龍虎統軍袁象
先使討賊是時懷州龍驤屯兵叛方捕索之王乃僞爲
友珪詔書發左右龍驤在東都者皆還洛陽因激怒之
曰天子以懷州屯兵叛追汝等欲盡坑之諸將皆泣莫
知所爲王曰先皇帝經營王業三十餘年今日尚爲友
珪所殺汝等安所逃死乎因出太祖畫像示諸將而泣
曰汝能趨洛陽擒逆賊則轉禍爲福矣軍士皆呼萬歲

請王爲主王乃遣人趣象先等庚寅象先等以禁兵討
賊友珪死杜曉見殺象先遣趙巖持傳國寶至東都請
王入洛陽王報曰夷門太祖所以興王業也北拒并汾
東至淮海國家藩鎮多在東方命將出師利于便近是
月皇帝卽位於東都卽位大事失其日而書是月
見亂之甚於東都終上文也復稱
乾化三年復博王友文官爵三月丁未更名鏗夏五月
楊師厚取滄州秋九月甲辰御史大夫姚洎爲中書侍
郎同中書門下平章事冬十二月魯人取幽州
四年夏四月丁丑貶于兢爲萊州司馬武寧軍節度使
蔣殷及天平軍節度使牛存節討之

貞明元年春正月存節克徐州

時將殺自燔死

三月丁卯

趙光逢罷平盧軍節度使賀德倫為天雄軍節度使

不書非書而有故則書此書為夫雄軍節度使張本

分其相澶衛州為昭德軍

使張筠為節度使己丑天雄軍亂賀德倫叛附于晉

有首惡不書而書德倫叛責貴者深也德倫不可加以

殺德倫可誅而不誅故以德倫獨任其責邠州李保衡叛于岐來附夏六月

庚寅朔晉王李存勗入于魏州遂取德州冬十月辛亥

康王友孜反伏誅

反者不日誅反者有日故書

十一月乙丑改元

州溫昭圖叛于岐來附是歲更名瑱

舊史失其日月

二年春二月丙申楊涉罷三月鎮南軍節度使劉鄩及

晉人戰于故元城敗績奔于滑州晉人取衛州惠州捉

生都將李霸反伏誅夏六月捉生都將張溫叛降于晉

秋七月晉人取相州張筠奔于京師安國軍節度使閻

寶叛附于晉八月丁酉太子太保致仕趙光逢為司空

兼門下侍郎同中書門下平章事九月晉人取滄州橫

海軍節度使戴思遠奔于京師晉人克貝州守將張源

德死之

書死得其死也

冬十月丁酉中書侍郎鄭珽同中書門

下平章事

三年夏四月辛卯右千牛衛大將軍劉瓛使于契丹冬

十二月宣義軍節度使賀瓌為北面行營招討使己巳

如西都卜邲晉人取揚劉

四年正月不克邲巳卯至自西都夏四月巳酉尚書吏

部侍郎蕭頊為中書侍郎同中書門下平章事巳巳趙

光逢罷冬十二月庚子朔賀瓌殺其將謝彥章孟審澄

侯溫裕癸亥瓌及晉人戰于胡柳敗績是歲恭寧軍節

度使張守進叛附于晉亳州團練使劉鄩為兖州安撫

制置以討之

舊史不書亡其月日故書于歲末為明年克兖州張本

五年春正月晉軍于德勝

用兵無勝敗不書此梁晉得失所繫故書也

秋八

月乙未朔開封尹王瓚為北面行營招討使冬十月劉

鄩克兖州張守進伏誅十二月晉人取濮陽天平軍節

度使霍彥威為北面行營招討使

六年夏四月巳亥降死罪以下囚乙巳尚書左丞李琪

為中書侍郎同中書門下平章事河中節度使朱友謙

襲同州殺其節度使程全暉叛附于晉恭寧軍節度使

劉鄩討之秋七月陳州妖賊毋乙自稱天子九月庚寅

供奉官郎公遠為契丹歡好使冬十月毋乙伏誅

龍德元年春趙將張文禮殺其君鎔來乞師不許

文禮初為

鎔養子號王德明此書張文禮者從舊史也

三月丁亥朔禁私度僧尼陳州

刺史惠王友能反夏五月丙戌朔德音改元降流罪巳

下囚秋赦友能降封房陵侯天平軍節度使戴思遠為

北面行營招討使冬十月思遠及晉人戰于戚城敗績
二年春正月思遠襲魏州取成安秋八月滑州兵馬留
後段凝攻衛州執其刺史李存儒戴思遠克淇門共城
新鄉

三年春三月潞州李繼韜叛于晉來附夏閏四月唐人

取鄆州

晉未即位已自與梁為敵國至其建號於梁無所利害故不書唐建號而書唐人者因事而見

爾五月庚申宣義軍節度使王彥章為北面行營招討

使取德勝南城秋八月段凝為北面行營招討使先鋒

將康延孝叛降于唐冬十月甲戌宣義軍節度使王彥

章及唐人戰于中都敗績死之

凡官皆不重書此書者嫌彥章已罷招討使而

與唐戰蓋罷使而別將兵以戰也

唐人取曹州盜竊傳國寶奔于唐戊

寅皇帝崩年二十六梁亡

書曰梁亡見唐莊宗之立速也四月莊宗立稱唐十月梁

始亡見唐不待滅梁而亦

五代史卷三終

五代史卷四

宋歐陽修撰

皇明詹事府少詹事兼翰林院侍讀學士暫掌國子監事臣歐陽修

勅重較刊 承德郎右春坊右中允管國子監司業事臣黃良等奉

皇明朝列大夫國子監祭酒臣吳士元

旨重修 承德郎司業仍加俸一級臣黃鵬等奉

唐本紀第四

莊宗光聖神閔孝皇帝其先本號朱邪蓋出於西突厥
至其後世別自號曰沙陀而以朱邪為姓唐德宗時有
朱邪盡忠者居於北庭之金蒲州貞元中吐蕃贊普攻
陷北庭徙盡忠於甘州而後屬之其後贊普為回鶻所

敗盡忠與其子執宜東走贊普怒追之及于石門關盡
忠戰死執宜獨走歸唐居之鹽州以隸河西節度使范
希朝希朝徙鎮太原執宜從之居之定襄神武川之新
城其部落萬騎皆驍勇善騎射號沙陀軍執宜死其子
曰赤心懿宗咸通十年神策大將軍康承訓統十八將
討龐勛於徐州以朱邪赤心爲太原行營招討沙陀三
部落軍使以從破勛功拜單于大都護振武軍節度使
賜姓名李國昌以之屬籍沙陀素強而國昌恃功益橫
恣懿宗患之十三年徙國昌雲州刺史大同軍防禦使
國昌稱疾拒命國昌子克用尤善騎射能仰中雙鳧爲

雲州守捉使國昌已拒命克用乃殺大同軍防禦使段
文楚據雲州自稱留後唐以太僕卿盧簡方爲振武節
度使會幽并兵討之簡方行至鳳州軍潰由是沙陀侵
掠代北爲邊患矣明年僖宗卽位以謂前太原節度使
李業遇沙陀有恩而業已死乃以其子鈞爲靈武節度
使宣慰沙陀六州三部落使六州三部落皆不見其名處據唐書除使有此語爾
以招輯之拜克用大同軍防禦使居久之國昌出擊党
項吐渾赫連鐸襲破振武克用圍之自雲州往迎國昌
而雲州人亦閉關拒之國昌父子無所歸因掠蔚朔間
得兵三千國昌入保蔚州克用還據新城僖宗乃拜鐸

大同軍使以李鈞爲代北招討使以討沙陀乾符五年
沙陀破遮虜軍又破岢嵐軍而唐兵數敗沙陀由此益
熾北據蔚朔南侵忻代嵐石至于太谷焉廣明元年招
討使李琢會幽州李可舉雲州赫連鐸擊沙陀克用與
可舉相拒雄武軍其叔父友金以蔚朔州降于琢克用
聞之遽還可舉追至藥兒嶺大敗之琢軍夾擊又敗之
于蔚州沙陀大潰克用父子亡入達靺克用小驍勇軍
中號曰李鷓兒其一目眇及其貴也又號獨眼龍其威
名蓋於代北其在達靺克之鬱鬱不得志又常懼其圖
已因時時從其羣豪射獵或掛針於木或立馬鞭百步
射之輒中羣豪皆服以爲神黃巢已陷京師中和元年
代北起軍使陳景思發沙陀先所降者與吐渾安慶等
萬人赴京師行至絳州沙陀軍亂大掠而還景思念沙
陀非克用不可將乃以詔書召克用於達靺承制以爲
代州刺史鴈門以北行營節度使率蕃漢萬人出石嶺
關過太原求發軍錢節度使鄭從讜與之錢千緡米千
石克用怒縱兵大掠而還二年十一月景思克用復以
步騎萬七千赴京師三年正月至于河中進屯乾坑巢
黨驚曰鷓兒軍至矣二月敗巢將黃鄴於石隄谷三月
又敗趙章尚讓於良田坡橫尸三十里是時諸鎮兵皆

會長安大戰渭橋賊敗走入城克用乘勝追之自光泰門先入戰望春宮昇陽殿巢敗南走出藍田關京師平克用功第一天子拜克用檢校司空同中書門下平章事河東節度使以國昌為鴈門以北行營節度使十月國昌卒十一月遣其弟克修攻昭義孟方立取其澤潞二州方立走山東以邢洺磁三州自別為昭義軍昭義軍在唐時跨山東西管五州至是澤潞入于晉邢洺磁孟氏據之故當時有兩昭義黃巢南走至蔡州降秦宗權遂攻陳州四年克用以兵五萬救陳州出天井關假道河陽諸葛爽不許乃自河中渡河四月敗尚讓於太康又敗黃鄴于西華巢且走且戰至中牟臨

河未渡而克用追及之賊衆驚潰比至封丘又敗之巢脫身走克用追之一日夜馳三百里至于宛胸不及而還過汴州休軍封禪寺朱全忠饗克用於上源驛夜酒罷克用醉臥伏兵發火起侍者郭景銖滅燭匿克用牀下以水醒面而告以難會天大雨滅火克用得從者薛鐵山賀回鶻等隨電光繼尉氏門出還軍中七月至于太原訟其事于京師請加兵於汴遣弟克修將兵萬人屯于河中以待僖宗和解之用破巢功封克用隴西郡王光啓元年河中王重榮與宦者田令孜有隙徙重榮交州以定州王處存為河中節度使詔克用以兵護處

存之鎮

克用不僭號故不稱王焉

重榮使人給克用曰天子詔重榮

俟克用至與處存共誅之因僞爲詔書示克用曰此朱全忠之謀也克用信之八上表請討全忠僖宗不許克用大怒重榮既不肯徙僖宗遣邠州朱玫鳳翔李昌符討之克用反以兵助重榮敗玫于沙苑遂犯京師縱火大掠天子出居于興元克用退屯河中朱玫亦反以兵追天子不及得襄王煚迫之稱帝屯于鳳翔僖宗念獨克用可以破玫而不能使也當破黃巢長安時天下兵馬都監楊復恭與克用善乃遣諫議大夫劉崇望以詔書召克用且道復恭意使進兵討玫等克用陽諾而不

行明年孟方立死其弟遷立大順元年克用擊破孟遷取邢洛磁三州乃遣安金俊攻赫連鐸於雲州幽州李匡威救鐸戰於蔚州金俊大敗於是匡威鐸及朱全忠等皆請因其敗伐之昭宗以克用破黃巢功高不可伐下其事臺省四品官議議者多言不可宰相張濬獨以謂沙陀前逼僖宗幸興元罪當誅可伐軍容使楊復恭克用所善也亦極諫以爲不可昭宗然之詔諭全忠等全忠陰賂濬使持其議益堅昭宗不得已以濬爲太原四面行營兵馬都統韓建爲副使是時潞州將馮霸叛降于梁梁遣葛從周入潞州唐以京兆尹孫揆爲昭義軍

節度使克用遣李存孝執揆于長子又遣康君立取潞州十一月濬及克用戰于陰地濬軍三戰三敗濬建遯歸克用兵大掠晉絳至于河中赤地千里克用上表自訴其辭慢侮天子爲之引咎優詔荅之二年二月復拜克用河東節度使隴西郡王加檢校太師兼中書令四月攻赫連鐸于雲州圍之百餘日鐸走吐渾八月大蒐于太原出晉絳掠懷孟至于邢州遂攻王鎔于鎮州克用柵常山西以十餘騎渡滹沱覘敵遇大雨平地水深數尺鎮人襲之克用匿林中禱其馬曰吾世有太原者馬不嘶馬偶不嘶以免前軍李存孝取臨城進攻元氏

李匡威救鎔克用退軍邢州景福元年王鎔攻邢州李存信李嗣勳等敗鎔于堯山二月會王處存攻鎔戰于新市爲鎔所敗八月李匡威攻雲州以牽克用之兵克用潛入于雲州返出擊匡威匡威敗走十月李存孝以邢州叛二年存孝求援於王鎔克用出兵并陘擊鎔且以書招鎔而急攻其平山鎔懼遂與克用通和獻帛五十萬匹出兵助攻邢州乾寧元年三月執存孝殺之冬攻幽州李匡儔棄城走追至景城見殺以劉仁恭爲留後二年河中王重盈卒其諸子珂珙爭立克用請立珂鳳翔李茂貞邠寧王行瑜華州韓建請立珙昭宗初兩

難之乃以宰相崔胤爲河中節度使旣而許克用立河
茂貞等怒三鎮兵犯京師聞克用亦起兵乃皆罷去六
月克用攻絳州斬刺史王瑤瑤弟助瑛以爭者七月
至于河中同州王行約奔于京師陽言曰沙陀十萬至
矣謀奉天子幸邠州茂貞假子闔主亦謀劫幸鳳翔京
師大亂昭宗出居于石門克用軍留月餘不進昭宗遣
延王戒丕丹王允兄事克用且告急八月克用進軍渭
橋以爲邠寧四面行營都統昭宗還京師十一月克用
擊破邠州王行瑜走至慶州見殺克用還軍雲陽請擊
昭宗慰勞克用使與茂貞解仇以紓難拜克用忠
正平難功臣封晉王是時晉軍渭北遇雨六十日或勸
克用入朝克用未決都押衙蓋寓曰天子還自石門寢
未安席若晉兵渡渭人情豈復能安勤王而已何必朝
哉克用笑曰蓋寓猶不信我况天下乎乃收軍而還三
年正月昭宗復以張濟爲相克用曰此朱全忠之謀也
乃上表曰若陛下朝以濟爲相則臣將暮至闕廷京師
大恐濟命遽止朱全忠之攻兗鄆也克用遣李存信假
道魏州以救朱宣等存信屯于莘縣軍士侵掠魏境羅
弘信伏兵攻之存信敗走洛州克用自將擊魏戰于洹
水亡其子落落六月破魏成安洹水臨漳等十餘邑十

月又敗魏人于白龍潭進攻觀音門全忠救至乃解四年劉仁恭叛晉克用以兵五萬擊仁恭戰于安塞克用大敗光化元年朱全忠遣葛從周攻下邢洛磁三州克用遣周德威出青山口遇從周于張公橋德威大敗冬潞州守將薛志勤卒李罕之據潞州叛附于朱全忠二年全忠遣氏叔琮攻破承天軍又破遼州至于榆次周德威敗之于洞瀾秋李嗣昭復取澤潞三年嗣昭敗汴軍于沙河復取洛州朱全忠自將圍之嗣昭走至青山口遇汴伏兵嗣昭大敗秋嗣昭取懷州是歲汴人攻鎮定鎮定皆絕晉以附于朱全忠天復元年全忠封梁王梁攻下晉絳河中執王珂以歸晉失三與國乃下意為書幣聘梁以求和梁王以為晉弱可取乃曰晉雖請盟而書辭慢因大舉擊晉四月氏叔琮入天井張文敬入新口葛從周入上門王處直入飛狐侯言入陸地叔琮取澤潞其別將白奉國破承天軍遼州守將張鄂汾州守將李瑋皆迎梁軍降晉人大懼會天大雨霖梁兵多皆解去五月晉復取汾州誅李瑋六月周德威李嗣昭取慈隰二年進攻晉絳大敗于蒲縣梁軍乘勝破汾慈隰三州遂圍太原克用大懼謀出奔雲州又欲奔匈奴未決梁軍大疫解去周德威復取汾慈隰三州四年梁

遷唐都於洛陽改元曰天祐克用以謂劫天子以遷都者梁也天祐非唐號不可稱乃仍稱天福五年會契丹阿保機於雲中約為兄弟六年梁攻燕滄州燕王劉仁恭來乞師克用恨仁恭反覆欲不許其子存勗諫曰此吾復振之時也今天下之勢歸梁者十七八疆如趙魏中山莫不聽命是自河以北無為梁患者其所憚者惟我與仁恭耳若燕晉合勢非梁之福也夫為天下者不顧小怨且彼常困我而我急其難可因以德而懷之是謂一舉而兩得此不可失之機也克用以為然乃為燕出兵攻破潞州梁圍乃解去以李嗣昭為潞州留後後七年梁兵十萬攻潞州圍以夾城遣周德威救潞州軍于亂柳冬克用疾是歲梁滅唐克用復稱天祐四年五年正月辛卯克用卒年五十三子存勗立葬克用於鴈門

嗚呼世久而失其傳者多矣豈獨史官之謬哉李氏之先蓋出於西突厥本號朱邪至其後世別自號曰沙陀而以朱邪為姓拔野古為始祖其自序云沙陀者北庭之磧也當唐太宗時破西突厥諸部分同羅僕骨之人於此磧置沙陀府而以其始祖拔野古為都督其傳子孫數世皆為沙陀都督故其後世因自號沙陀然予考

于傳記其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅爲龜林都督府僕骨爲金微都督府拔野古爲幽陵都督府未嘗有沙陀府也當是時西突厥有鐵勒延陀阿史那之類爲最大其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至高宗永徽二年處月朱邪孤注從賀魯戰于牢山爲契苾何力所敗遂沒不見後百五十年當憲宗時有朱邪盡忠及子執宜見於中國而自號沙陀以朱邪爲姓矣蓋沙陀者大磧也在金莎山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏李氏後大而夷狄之人遂以沙陀爲貴種云

Blank space for text in the right column.

五代史卷四終

五代史卷五

宋歐陽修撰

皇明詹事府少詹事兼翰林院侍讀學士督學國子監事臣致文祺

承德郎右春坊右中允管國子監司業事臣黃汝長等奉

初重較刊 皇明朝列大夫國子監祭酒 臣吳士元 承德郎司業仍加俸 一級 臣黃錦等奉 旨重修

唐本紀第五

存勗克用長子也初克用破孟方立于邢州還軍上黨置酒三垂崗伶人奏百年歌至于衰老之際聲辭甚悲坐上皆悽愴時存勗在側方五歲克用慨然將鬚指而笑曰吾行老矣此奇兒也後二十年其能代我戰于此

平存勗年十一從克用破王行瑜遣獻捷于京師昭宗
異其狀貌賜以鷓鴣卮翡翠盤而撫其背曰兒有奇表
後當富貴無忘予家及長善騎射膽勇過人稍習春秋
通大義尤喜音聲歌舞俳優之戲天祐五年正月卽王
位于太原叔父克寧殺都虞候李存質倖臣史敬鎔告
克寧謀叛二月執而戕之且以先王之喪叔父之難告
周德威德威自亂柳還軍太原梁夾城兵聞晉有大喪
德威軍且去因頗懈王謂諸將曰梁人幸我大喪謂我
少而新立無能爲也宜乘其怠擊之乃出兵趨上黨行
至三垂崗歎曰此先王置酒處也會天大霧晝暝兵行
霧中攻其夾城破之梁軍大敗凱旋告廟九月蜀王王
建岐王李茂貞及楊崇本攻梁大安晉亦遣周德威攻
其晉州敗梁軍于神山六年劉知俊叛梁來乞師王自
將至陰地關遣周德威攻晉州敗梁軍于蒙阮七年冬
梁遣王景仁攻趙趙王王鎔來乞師諸將皆疑鎔詐未
可出兵王不聽乃救趙八年正月敗梁軍于柏鄉斬首
二萬級獲其將校三百人馬三千匹進攻邢州不下留
兵圍之去攻魏別遣周德威徇梁夏津高唐攻博州破
東武朝城遂擊黎陽臨河淇門掠新鄉共城燕王劉守
光聞晉攻梁深入乃大治兵聲言助晉王憲之乃旋師

七月會趙王王鎔于承天軍劉守光稱帝于燕九年正月遣周德威會鎮定以攻燕守光求救於梁梁軍攻趙屠棗彊李存審擊走之八月朱友謙以河中叛于梁來降梁遣康懷英討友謙友謙復臣于梁而亦陰附于晉十年十月劉守光請降王如幽州守光背約不降攻破之十一年殺燕王劉守光于太原用其父仁恭于鴈門剖心以祭墓也於是趙王王鎔北平王王處直奉冊推王爲尚書令始建行臺七月攻梁邢州戰于張公橋晉軍大敗十二年魏州軍亂賀德倫以魏博二州叛于梁來附玉入魏州行至永濟誅其亂首張彥以其兵五百自衛號

帳前銀鎗軍六月王兼領魏博節度使取德州七月取澶州劉鄩軍于洹水王率百騎覘其營遇鄩伏兵圍之數重決圍而出亡七八騎八月梁復取澶州晉軍與鄩對壘于莘晉軍數挑戰鄩閉壁不出十三年正月王留李存審于莘聲言西歸鄩聞晉王且去卽引兵擊魏攻城東王行至貝州返擊鄩大敗之追至于故元城又敗之鄩走黎陽三月攻梁衛州降其刺史米昭克磁州殺其刺史靳昭四月克洛州八月圍邢州降其節度使閻寶梁張筠棄相州戴思遠棄滄州而逃遂取二州而貝州人殺梁守將張源德以城降契丹寇蔚州執振武

節度使李嗣本十四年契丹寇新州遂寇幽州李嗣源
擊走之冬梁謝彥章軍于楊劉十二月攻楊劉王自負
芻以堙壅遂破之十五年正月梁晉相拒于楊劉彥章
決河水以隔晉軍六月渡水擊彥章破其四寨八月大
閱于魏合盧龍橫海昭義安國及鎮定之兵十萬馬萬
匹軍于麻家渡謝彥章軍于行臺十二月進軍臨濮梁
軍追之戰于胡柳晉軍大敗周德威死之梁軍暮休于
土山晉軍復擊大敗之遂軍德勝爲夾寨十六年正月
王兼領盧龍軍節度使梁王瓚攻德勝南城不克十月
廣德勝北城十二月敗梁軍于河南十七年朱友謙襲

同州梁遣劉鄩擊友謙李存審敗梁軍于同州十八年
正月魏州僧傳真獻唐受命寶一趙將張文禮弑其君
鎔文禮來請命二月以文禮爲鎮州兵馬留後三月河
中節度使朱友謙昭義軍節度使李嗣昭橫海軍節度
使李存審義武軍節度使王處直安國軍節度使李嗣
源鎮州兵馬留後張文禮領天平軍節度使閻寶大同
軍節度使李存璋振武軍節度使李存進匡國軍節度
使朱令德請王卽皇帝位王三辭友謙等三請王曰予
當思之八月遣趙王王鎔故將符習及閻寶史建瑋等
攻張文禮於鎮州建瑋取趙州張文禮卒其子處瑾閉

城拒守九月建瑋戰死十月梁戴思遠攻德勝北城李嗣源敗之于戚城王處直叛附于契丹其子都幽處直以來附十二月契丹寇涿州遂寇定州十九年正月敗契丹于新城望都追奔至于幽州三月閻寶敗于鎮州以李嗣昭代之四月嗣昭戰死以李存進代之八月梁取衛州九月存進敗鎮人于東垣存進戰死十月李存審克鎮州王兼領成德軍節度使

同光元年春三月李繼韜以潞州叛附于梁夏四月己巳皇帝即位大赦改元國號唐行臺左丞相豆盧革為門下侍郎右丞相盧程為中書侍郎同中書門下平章

事中門使郭崇韜昭義監軍張居翰為樞密使

樞密使唐故以

宦者為之其職甚微至此始參用士人而與宰相權任鈞矣故與宰相並書

以魏州為東京

太原為西京鎮州為北都閏月追尊祖考為皇帝妣為

皇后曾祖執宜祖妣崔氏皆諡曰昭烈廟號懿祖祖國

昌祖妣秦氏皆諡曰文景廟號獻祖考諡曰武廟號

太祖立廟于太原自唐高祖太宗懿宗昭宗為七廟

追尊

祖考則立廟可知故皆不書廟此書者以立高祖已下四廟故也此大事也舊史失其口

王寅李嗣

源取鄆州

後唐太祖置義兒軍如李嗣昭等甚眾初皆賜姓名爾不以子書也與友文從珂異

五月辛酉梁人取德勝南城六月

及王彥章戰于新壘敗之是月盧程罷秋八月梁人克

澤州唐末澤潞皆屬晉梁初已得澤州至此又屬晉而

梁克之中間不見晉得澤州年月蓋舊史闕不書

五代之亂戰爭攻取彼此得失不常多類此也守將裴約死之九月戊辰李嗣

源及王彥章戰于遞坊敗之冬十月壬申如鄆州以襲

梁掩其不備疾馳而入之故甲戌取中都丁丑取曹州

已卯滅梁敬翔自殺翔為梁臣梁所以亡唐翔之謀為

書自殺死大節丙戌貶鄭珽為萊州司戶叅軍蕭頊登

州司戶叅軍殺李振趙巖張漢傑朱珪滅其族已丑德

音降死罪囚流已下原之十一月乙巳復北都為鎮州

太原為北都丙辰復汴州為宣武軍丁巳尚書左丞趙

光胤為中書侍郎禮部侍郎韋說同中書門下平章事

戊午新羅國王金朴英遣使者來辛酉復永平軍為西

都甲子如洛京洛京從十一月庚午朔至自汴州辛巳

李繼韜伏誅繼韜之弟繼達殺其兄繼儒于潞州繼儒繼儒

殺書非不予其死蓋繼達繼儒兄自壬辰敗于伊闕

二年春正月河南尹張全義及諸鎮進駿殿物已酉求

唐宦者凡書過惡辭無幾也庚戌新羅國王金朴英

及其泉州節度使王逢規遣使者來乙卯渤海國王

大諲譔使大禹謨來庚申如河陽迎皇太后也太后實錄皆無奉冊日辛酉至自河陽丁卯七

萬曆二十八年刊

五代史卷五

本紀

六

太廟二月己巳朔有事于西郊大赦癸酉羣臣上尊號

曰昭文睿武光孝皇帝戊寅幸李嗣源第癸未立劉氏

為皇后五代十三君立后者七辭有不同立得其正者曰以某妃某夫人某氏為皇后其不正者直曰

立某氏為皇后嫌與得正同爾無褒貶也三月己酉党項來庚戌賜從平汴

州及入洛南郊立仗軍士等功臣庚申工部郎中李塗

為檢視諸陵使唐諸帝陵也潞州將楊立反夏五月壬寅敕

坊使陳俊為景州刺史內園栽接使儲德源為憲州刺

史命官不書此書其甚也丙辰渤海國王王大謹譔遣使者來丙寅

李嗣源克潞州不書命將舊史闕六月丙子楊立伏誅己丑封

回紇王仁美為英義可汗七月己酉如雷山賽天神

庚秋之八月大雨霖河溢九月壬子置水于城門以禳

災惑本紀書災不書異災或為置水非禮書爾見其有懼禍之意而不知畏天以修德水旱風蝗之類害物者災也故書其變逾常則不知所以然者異也以其不可知故不書爾甲寅幸郭崇韜第

丙辰黑水遣使者來冬十月癸未左熊威軍將趙暉妻

一產三男子此亦變異而書者重人事事故謹之後世以此為善詳故於亂世書以見不然十一月

癸卯敗于伊闕丙午至自伊闕書至見其留四日而荒甚丁巳

回鶻使都督安于想來十二月庚午及皇后幸張全義

第

三年春正月庚子如東京改即位壇為鞠場二月己巳

聚鞠于新場乙亥射鴈于土荊河辛巳突厥渾解樓渤

海國王大譴譔皆遣使者不射鴈于北郊乙酉射鴨于

郭泊庚寅射鴈于北郊三月乙未寒食望祭于西郊俗

之祭也非禮故書庚申至自東京辛酉改東京為鄴都以洛京

為東都夏四月乙亥及皇后幸郭崇韜朱漢賓第旱庚

寅趙光胤薨五月丁酉皇太妃薨廢朝五日太祖正室於莊宗為

嫡母書太妃及輟朝見亂世禮壞而恩薄己酉黑水女真皆遣使者來六月

辛未宗正卿李紆為昭宗少帝改十園陵少帝濟陰王也梁嘗諡曰

哀皇帝唐人謂之少帝從其本語括馬秋七月壬寅皇太后崩不書冊皇太后

已見上注八月癸未殺河南縣令羅貫九月庚子魏王繼岌

為西川四面行營都統郭崇韜為招討使以伐蜀自六

月雨至于是月丁巳射鴈于尖山冬十月壬午奚吐渾

突厥皆遣使者來戊子葬貞簡太后于坤陵十一月丁

未高麗遣使者來己酉蜀王衍降唐兵入蜀不攻不戰君臣迎降故直書其

實以見下書殺衍為殺降郭崇韜殺王宗弼及其弟宗渥宗訓滅其

族十二月己卯畋于白沙癸未至自白沙閏月辛亥封

弟存美為邕王存霸永王存禮薛王存渥申王存乂睦

王存確通王存紀雅王

四年春正月壬戌降死罪以下囚甲子魏王繼岌殺郭

宗翰及其三子于蜀實皇后劉氏作教與繼岌使殺崇

后教非天子命可止而不止戊寅契丹使梅老鞋里來庚辰殺其弟

萬曆二十八年刊

通鑑卷之五

卷之五

睦王存义及河中護國軍節度使李繼麟滅其族乙酉

沙州曹義金遣使者來丙戌回鶻阿咄欲遣使者來丁

亥殺李繼麟之將史武薛敬容周唐殷楊師太王景來

仁白奉國皆滅其族二月己丑宣徽南院使李紹宏爲

樞密使癸巳鄴都軍將趙在禮反于貝州反者皆不日

推迹其心可知爾其事具本傳蓋在禮初無亂心以是

日見迫而反爾雖加以大惡之名猶原其本心而異於

佗反者於此見凡書人甲午改于冷泉趙在禮陷鄴都

武寧軍節度使李紹榮討之邢州軍將趙太及東北面

招討使李紹真討之甲辰成德軍節度使李嗣源討趙

在禮三月趙太伏誅李嗣源反博州守將翟建自稱刺

史甲子殺王衍滅其族許其不死降而殺之又滅其族

者前書衍降乙丑如汴州壬申次滎澤龍驤指揮使姚

彥溫以前鋒軍叛降于李嗣源入于汴州甲戌至自萬

勝帝至萬勝鎮聞嗣從馬直指揮使郭從謙反夏四月

丁亥朔皇帝崩年四十三帝尸爲伶人焚之明宗入洛

安縣號雍陵至晉避廟諱更曰伊陵其不書葬與梁太祖同

五代史卷五終

五代史卷六

宋歐陽修撰

皇明詹事府少詹事兼翰林院侍讀學士暫掌國子監事臣敖文禎

承德郎右春坊右中允管國子監司業事臣黃汝良等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

唐本紀第六

明宗聖德和武欽孝皇帝世本夷狄無姓氏父電為鴈門部將生子邈佶烈以騎射事太祖為人質厚寡言執事恭謹太祖養以為子賜名嗣源梁攻兗鄆朱宣朱瑾來乞師太祖遣李存信將兵三萬救之存信留莘縣不

進使嗣源別以兵三千先擊梁兵梁兵解去存信留莘縣久之爲羅弘信所襲存信敗走嗣源獨殿而還太祖以嗣源所將騎五百號橫衝都光化三年李嗣昭攻梁邢洛出青山遇葛從周兵嗣昭大敗走梁兵追之嗣源從間道後至謂嗣昭曰爲公一戰乃解鞍礪鏃憑高爲陣左右指畫梁追兵望之莫測嗣源急呼曰吾取葛公士卒可無動乃馳騎犯之出入奮擊嗣昭繼進梁兵解去嗣源身中四矢太祖解衣賜藥以勞之由是李橫衝名重四方梁晉相拒于柏鄉梁龍驤軍以赤白馬爲兩陣旗幟錯仗皆如馬色晉兵望之皆懼莊宗舉鍾以飲嗣源曰卿望梁家赤白馬懼乎雖吾亦怯也嗣源笑曰有其表爾翌日歸吾旤也莊宗大喜曰卿當以氣吞之因引鍾飲醕奮槌馳騎犯其白馬挾二裨將而還梁兵敗以功拜代州刺史莊宗攻劉守光嗣源及李嗣昭將兵三萬別出飛狐定山後取武媯儒三州莊宗已平魏州因徇下磁相拜相州刺史昭德軍節度使久之徙鎮安國契丹攻幽州莊宗遣嗣源與閻寶等擊走之同光元年徙鎮橫海是時梁唐相拒于河上李繼韜以潞州叛降梁莊宗有憂色召嗣源帳中謂曰繼韜以上黨降梁而梁方急攻澤州吾出不意襲其鄆州以斷梁右臂

可乎嗣源對曰夾河之兵久矣苟非出奇則大計不決
臣請獨當之乃以步騎五千涉濟至鄆州鄆人無備遂
襲破之卽拜天平軍節度使蕃漢馬步軍副都總管梁
軍攻破德勝南柵莊宗退保楊劉王彥章急攻鄆州莊
宗悉軍救之嗣源爲前鋒擊敗梁軍追至中都擒彥章
及梁監軍張漢傑彥章雖敗而段凝悉將梁兵屯河上
莊宗未知所嚮諸將多言乘勝以取青齊嗣源曰彥章
之敗疑猶未知使其聞之遲疑定計亦須三日縱使料
吾所向亟發救兵必渡黎陽數萬之衆舟楫非一日具
也此去汴州不數百里前無險阻方陣而行信宿可至

汴州已破段凝豈足顧哉而郭崇韜亦勸莊宗入汴莊
宗以爲然遣嗣源以千騎先至汴州攻封丘門王瓚開
門降莊宗後至見嗣源大喜手攬其衣以頭觸之曰天
下與爾共之拜中書令二年莊宗祀天南郊賜以鐵券
五月破楊立于潞州六月徙鎮宣武兼蕃漢內外馬步
軍總管冬契丹侵漁陽嗣源敗之于涿州三年徙鎮成
德莊宗幸鄴請朝行在不許貞簡太后疾請入省又不
許太后崩請赴山陵許之而契丹侵邊乃止十二月遂
朝于洛陽

天成元年

實同光四年而書天成元年者大赦改元文
見下可知莊宗本紀自書同光四年各從其

所稱既曰改元
不嫌二號也
郭崇韜宋友謙皆以讒死嗣源以名位

高亦見疑忌趙在禮反於魏大臣皆請遣嗣源討賊莊

宗不許羣臣屢請莊宗不得已遣之三月壬子嗣源至

魏屯御河南在禮登樓謝罪甲寅軍變嗣源入于魏與

在禮合夕出止魏縣丁巳以其兵南遣石敬瑭將三百

騎為先鋒嗣源行過鉅鹿掠小坊馬二千匹以益軍壬

申入汴州四月丁亥莊宗崩巳丑入洛陽甲午監國朝

羣臣于興聖宮乙未中門使安重誨為樞密使殺元行

欽及祖庸使孔謙壬寅左驍衛大將軍孔循為樞密使

丙午始奠于西宮
巳始奠見其緩也自巳皇帝即位于

樞前
樞前即位嗣君之禮也反逆之臣自立而用嗣君之禮書從其實而不變文者蓋先已書反正其罪

矣此書其實見其猶有自
愧之心而欲逃大惡之名也
易斬縲以袞冕
既用嗣君之禮矣遠

釋縲而服冕故
壬子魏王繼岌薨
諸王薨不書此書者

從諫弒逆遂託赴難為名及即位
時莊宗元子猶在則其辭庸矣
甲寅大赦改元渤海

國王大譴譔使大陳林來是月張居翰罷五月丙辰朔

太子賓客鄭珽工部尚書任圜為中書侍郎同中書門

下平章事戊辰趙在禮為義成軍節度使
在禮始亂宜誅而明宗因

之以反命以方鎮
報其功也故書
六月丁酉汴州控鶴軍亂指揮使張

諫殺其權知州事高遜巳亥諫伏誅秋七月庚申安重

誨殺殿直馬延于御史臺門
御史臺所以糾百官之不

萬曆二十八年刊

五代史卷六

本紀

四

契丹使梅老述骨來渤海使大昭佐來已卯貶豆盧革
為辰州刺史韋諒叙州刺史甲申流革于陵州說于合
州八月乙酉朔陝州硤石縣民高存妻一產三男子丁
酉以象笏三十二賜百官之無笏者是時朝廷衰弱之甚故書閱稼
于冷泉宮己亥契丹寇邊丁未平盧軍節度使霍彥威
殺其登州刺史王公儼甲寅醫官張志忠為太原少尹
九月己未幸至德宮及袁建豐第冬十月丁亥雲南山
後雨林百蠻都鬼主右武衛大將軍李罕晚使大鬼主
傅能何華來辛丑契丹使沒骨餒來告阿保機哀廢朝
三日旱辛亥雨

二年春正月癸丑朔更名亶癸亥端明殿學士兵部侍
郎馮道太常卿崔協為中書侍郎同中書門下平章事
二月壬午朔新羅使張芬來西川節度使孟知祥殺其
兵馬都監李嚴丙申赦京師囚郭從謙為景州刺史既
而殺之從謙弑君不討而命以官故書與在禮同罪宜誅而書殺者明宗亦同罪不得行誅故以兩相殺書
之 戊戌山南東道節度使劉訓為南面招討使以伐
荆南是時荆南自絕於中國而附吳不以有罪書討而書伐見非臣不責其叛 三月壬
子朔幸會節園羣臣買宴遊幸若不過度則小事也皆不書惟莊宗及晉出帝之世則書者著其過度耳明宗於五代為勤儉之君 盧臺軍
亂殺其將烏震新羅使林彥來夏四月庚寅盧臺軍將

龍旺等伏誅六月丙戌任圜罷庚子辛白司馬坡祭突

厥神夷狄之事也秋七月甲子隨州刺史西方鄴取夔忠萬

州癸酉殺豆盧革韋說八月乙酉特柯使宋朝化及昆

明使者來九月庚午党項使如連山來壬申契丹使梅

老來冬十月乙酉如汴州宣武軍節度使朱守殷反馬

步軍都指揮使馬彥超死之己丑守殷自殺不書克汴州者天子

自以兵討未嘗攻戰直入其城也能自殺乙未殺太子

少保致仕任圜實安重誨矯詔殺之不書重誨殺者明宗知而不責又下詔書誣圜以罪故以

明宗自殺書之辛丑德音釋輕繫囚是月傳箭于霍彥威夷狄之事

也十一月乙亥契丹使梅老來十二月己丑回鶻西界

吐蕃遣使者來甲辰畋于東郊丙午追尊祖考為皇帝

妣為皇后高祖諡曰孝恭廟號惠祖祖妣劉氏諡曰

孝恭昭曾祖敖諡曰孝質廟號毅祖祖妣張氏諡曰孝

質順祖琰諡曰孝靖廟號烈祖祖妣何氏諡曰孝靖穆

考諡曰孝成廟號德祖妣劉氏諡曰孝成懿立廟于應

州

三年春正月丁巳契丹陷平州二月辛巳吐渾都督李

紹虜來乙未孔循罷戊戌回鶻使李阿山來三月丁未

朔御札求直言己未鄭珏罷癸亥成德軍節度使王建

立為尚書右僕射同中書門下平章事西方鄴克歸州

戊辰宣徽南院使范延光爲樞密使夏四月戊寅延光
罷乙酉達鞞遣使者來義武軍節度使王都反壬寅歸
德軍節度使王晏球爲北面行營招討使五月契丹禿
餒入于定州辛酉右衛上將軍趙敬怡爲樞密使封回
鶻可汗王仁裕爲順化可汗秋七月己未殺齊州防禦
使曹廷隱八月盧龍軍節度使趙德鈞執契丹首領惕
隱赫邈慶州防禦使竇廷琬反冬十月靜難軍節度使
李敬周討之丁巳突厥使張慕晉來十一月壬午吐渾
使念九來甲午王建立罷十二月李敬周克慶州竇廷
琬伏誅辛亥辛康義誠第

四年春正月壬辰回鶻使掣撥都督來二月癸卯王晏

球克定州

王都自焚故
不書伏誅

辛酉晏球獻馘俘趙敬怡薨丁

卯崔恊薨庚午至自汴州三月丙戌殺姪從璨夏四月

契丹寇雲州癸丑契丹使撩括梅里來求禿餒殺之甲

寅端明殿學士尚書兵部侍郎趙鳳爲門下侍郎兼工

部尚書同中書門下平章事五月己巳朝羣臣賀朔日

視朝而曰賀朔者非禮視朝常事自不書爾五月賀朔
出於道家之說自唐以來用之書之見亂世舉非禮之
不急者此禮其後履行乙酉追諡少帝曰昭宣光烈孝
皆不復書者與入閣同

皇帝契丹寇雲州秋七月壬申殺右金吾衛上將軍毛

璋八月乙巳黑水使骨至來丁未吐渾首領念公山來

乙卯党項折遇明來已未高麗王建使張彬來九月癸
巳殺供奉官烏昭遇冬十二月辛丑殺西平縣令李商
長興元年春正月丁卯閱馬于苑辛卯宣徽南院使朱
弘昭爲大內留守二月戊戌黑水兀兒遣使者來乙巳
天雄軍節度使石敬瑭爲御營使癸丑朝獻于太微宮
甲寅享于太廟乙卯有事于南郊大赦改元三月庚寅
立淑妃曹氏爲皇后夏四月戊戌安重誨使河中衙內
指揮使楊彥溫逐其節度使從珂壬寅西京留守索自
通侍衛步軍指揮使藥彥稠討之辛亥自通執彥溫殺
之彥溫雖有罪有命獲而勿殺自
通擅殺之故不書誅而書殺戊午羣臣上尊號曰

聖明神武文德恭孝皇帝辛酉吐蕃首領于撥葛來五

月丁丑回鶻使孽粟祖來庚辰回鶻使安黑連來秋七

月壬午訪莊宗子孫瘞所莊宗子孫而不知瘞所見明
宗舉兵不順禍害所罹者可

哀也於此始求之
見事緩而無恩也八月乙未忠武軍節度使張延朗爲

三司使三司使始於此
而今遂因之壬寅殺捧聖都軍使李行德大

將張儉滅其族吐渾來附封子從榮爲秦王戊申海州

將王傳極殺其刺史陳宣叛于吳來降乙卯吐渾康合

畢來丙辰封子從厚爲宋王九月壬戌吐蕃使王滿儒

來東川節度使董璋反甲申成德軍節度使范延光爲

樞密使丁亥石敬瑭爲東川行營都招討使冬十月丁

酉始藏冰甲辰驍衛上將軍致仕張筠進助軍粟乙巳

董璋陷閬州殺節度使李仁矩指揮使姚洪死之孟知

祥反十一月庚申朔秦王從榮受冊謁于太廟冊禮廢於亂世

至此始一行之故書丙戌契丹東丹王突欲來奔夷狄不可以禮義責故不曰叛

丹于契十二月丁未二王後秘書丞鄴國公楊仁矩卒廢

朝一日丁巳回鶻順化可汗王仁裕使翟未斯來安重

誨討董璋不命將名直以樞密使往沙州曹義金遣使者來

二年春正月戊辰党項使折七移來庚辰達靫使列六

薛孃居來二月丁酉幸安元信第戊戌突厥使杜阿熟

吐渾使康萬琳來辛丑安重誨罷三月趙鳳罷丁亥

常卿李愚為中書侍郎同中書門下平章事夏四月甲

辰宣徽北院使趙延壽為樞密使甲寅董璋陷遂州武

信軍節度使夏魯奇死之乙卯以旱赦流罪以下囚閏

五月丁酉殺太子太師致仕安重誨及其妻張氏子崇

質崇緒秋八月己未契丹使邢姑兒來九月丁亥放五

坊鷹隼冬十一月戊申吐蕃遣使者來辛丑旌表棗州

民邢釗干戈之世王道息而禮義亡民猶有自知孝悌而時君旌表猶有勸民之意故兩善

而書之十二月甲寅朔除鐵禁初稅農具錢至今因已未

西涼府遣使者來己巳回鶻使安永思來辛未渤海使

文成魚來党項寇方渠

三年春正月庚子契丹使拽骨來已酉渤海回鶻皆遣使者來二月己卯靜難軍節度使藥彥稠及党項戰于牛兒谷敗之三月甲申契丹遣使者來夏四月庚申新羅遣使者來五月己丑二王後詹事司直楊延紹襲封鄴國公丙午孟知祥攻董璋陷綿州六月甲寅封王建為高麗國王大義軍使孟知祥殺董璋陷東川達觀首領頡哥以其族來附秋八月己卯吐蕃遣使者來冬十月庚申幸石敬瑭第

四年春正月庚寅端明殿學士兵部侍郎劉昫為中書侍郎同中書門下平章事二月戊午孟知祥使朱滉來

十國外而不書此書者知祥本一君臣而反至此改書歸絕之則嫌不許其自新錄之則尚冀其遷善然其來也臣禮不備故如夷狄書之三月甲辰追冊曰國夫人夏氏為皇后

夏五月戊寅封子從珂為潞王從珂非子而書子與梁博王友文同從益

許王姪從溫充王從璋洋王從敏溼王丙戌契丹使述

骨卿來秋七月乙未回鶻都督李未來獻白鶻命放之

八月戊申大赦九月戊戌趙延壽罷山南東道節度使

朱弘昭為樞密使冬十月庚申范延光罷三司使馮贇

為樞密使壬申幸土和亭得疾書得疾為從榮事詳之十一月壬

辰秦王從榮以兵入興聖宮不克伏誅君病不侍疾以兵求立罪當誅

故書伏誅其意以謂帝崩矣懼不乙未侍衛親軍都指

揮使康義誠殺三司使孫岳成皇帝崩于雍和殿六年

十七清泰元年葬河南洛陽縣號徽陵
雖得其死而為賊所葬故亦不書葬

嗚呼自古治世少而亂世多三代之王有天下者皆數
百年其可道者數君而已况於後世邪况於五代邪予
聞長老為予言明宗雖出夷狄而為人純質寬仁愛人
於五代之君有足稱也嘗夜焚香仰天而祝曰臣本蕃
人豈足治天下世亂久矣願天早生聖人自初即位減
罷宮人伶官廢內藏庫四方所貢上物悉歸之有司廣壽
殿火災有司理之請加丹雘唱然歎曰天以火戒我豈
宜增以侈邪歲嘗早已而雪暴出庭中詔武德司官呬

無得掃雪曰此天所以賜我也數問宰相馮道等民間
疾苦聞道等言穀帛賤民無疾疫則欣然曰吾何以堪
之當與公等作好事以報上天吏有犯賊輒寘之死曰
此民之蠹也以詔書褒廉吏孫岳等以風示天下其愛
人恤物蓋亦有意於治矣其即位時春秋已高不邇聲
色不樂遊畋在位十年於五代之君最為長世兵革粗
息年屢豐登生民實賴以休息然夷狄性果仁而不明
屢以非辜誅殺臣下至於從榮父子之間不能慮患為
防而變起倉卒卒陷之以大惡帝亦由此飲恨而終嘗
是時大理少卿康澄上疏言時事其言曰為國家者有不

足懼者五深可畏者六三辰失行不足懼天象變見不足懼小人訛言不足懼山崩川竭不足懼水旱蟲蝗不足懼也賢士藏匿深可畏四民遷業深可畏上下相徇深可畏廉耻道消深可畏毀譽亂真深可畏直言不聞深可畏也識者皆多澄言切中時病若從榮之變任圖安重誨等之死可謂上下相徇而毀譽亂真之敝矣然澄之言豈止一時之病凡爲國者可不戒哉

五代史卷六終

五代史卷七

宋歐陽修撰

皇明詹事府少詹事兼翰林院侍讀學士暫掌國子監事臣敖文禎

承德郎右春坊右中允管國子監司業事臣黃汝良等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

唐本紀第七

愍皇帝明宗第五子從厚也爲人形質豐厚寡言好禮明宗以其貌類已特愛之天成二年以檢校司徒拜河南尹判六軍諸衛事加檢校太保同中書門下平章事從厚妃孔循女也安重誨怒循以女妻從厚三年罷循

樞密使出從厚為宣武軍節度使明年徙鎮河東長興
元年封從厚宋王徙鎮成德二年徙鎮天雄累加兼中
書令四年十一月秦王從榮伏誅明宗病甚遣宦者孟
漢瓊召王于鄴而明宗崩秘其喪六日十二月癸卯朔
發喪于西宮皇帝即位于柩前羣臣見于東階復于喪
位丙午成服于西宮二代五君於此始見嗣君即位服喪之事先君得其終嗣君得其始而免禍亂於臣民於篡亂之世稀見之事也故特詳書之庚戌登光政門樓存問軍
民辛亥殺司衣王氏癸丑始聽政乙卯殺司儀康氏丁
巳馮道為大行皇帝山陵使戶部尚書韓彥輝為副中
書舍人王延為判官禮部尚書王權為禮儀使兵部尚

書李麟為鹵簿使御史中丞龍敏為儀仗使左僕射權

判河南府盧質為橋道頓遞使丁卯禫

應順元年春正月壬申朔視朝于廣壽殿禮也乙亥契

丹使都督沒辣于來戊寅大赦改元用樂回鶻可汗王

仁美遣使者來沙州瓜州遣使者來乙未朱弘昭馮贊

獻錢助作山陵閏月丙午冊皇太后不書姓氏不日冊某人為皇太后者

銀絹助作山陵二月庚寅視作山陵鳳翔節度使路王

從珂反辛卯西京留守王思同為西面行營都部署靜

難軍節度使藥彥偉為副三月丙辰思同兵潰嚴衛指

事自見於傳也

每尊不可斥其

揮使尹暉羽林指揮使楊思權以其軍叛降于從珂辛酉殺侍衛親軍馬軍都指揮使朱弘實癸亥河陽三城節度使康義誠爲鳳翔行營都招討使王思同爲副西京副留守劉遂雍叛降于從珂思同奔歸于京師不克死之丁卯京城巡檢使安從進叛殺馮贇朱弘昭自殺從進傳其二首于從珂戊辰如衛州

不書帝崩者當於廢帝紀書弒鄂王也

廢帝鎮州平山人也本姓王氏其世微賤母魏氏少寡明宗爲騎將過平山掠得之魏氏有子阿三已十餘歲明宗養以爲子名曰從珂及長狀貌雄偉謹信寡言而

驍勇善戰明宗甚愛之自晉兵戰梁于河上從珂常立戰功莊宗呼其小字曰阿三不徒與我同年其敢戰亦類我同光二年爲衛州刺史突騎指揮使戍于石門明宗討趙在禮自魏反兵而南從珂率戍兵自幽陽孟縣馳出常山以追明宗明宗之南也兵少得從珂兵在後而軍聲大振明宗入立拜從珂河中節度使封潞王是時明宗春秋已高王於諸子次最長樞密使安重誨患之乃矯詔河中裨將楊彥溫使圖之王閱馬于黃龍莊彥溫卽閉門拒之王止于虞鄉以聞明宗召王還京師居之清化里第重誨數請行軍法明宗不聽後重誨見

殺乃起王爲左衛大將軍西京留守長興三年爲鳳翔節度使王子重吉自明宗時典禁兵爲控鶴指揮使愍帝卽位朱弘昭馮贇用事乃罷重吉兵職出爲亳州團練使又徙王爲北京留守不降制書而宣授又以李從璋爲代初安重誨得罪罷河中以從璋爲代而重誨見殺故王益自疑遂據城反愍帝遣王師同會諸鎮兵討之思同戰敗走諸鎮兵皆潰

清泰元年三月丁巳王以兵東庚申次長安西京副留守劉遂雍叛于唐來降甲子次華州執藥彥稠丙寅次靈寶河中安彥威陝州康思立叛于唐來降巳巳次陝

州康義誠叛于唐來降殺宣徽使孟漢瓊愍帝出居于衛州夏四月壬申入京師馮道率百官迎王于蔣橋王辭不見入哭于西宮遂見羣臣道拜王荅拜入居于至德宮癸酉以太后命降天子爲鄂王命王監國乙亥皇帝卽位丙子幸河南民財以賞軍丁丑借民房課五月以賞軍戊寅弑鄂王義與弑濟陰王同慈州刺史宋令詢死之乙酉大赦改元戊子殺康義誠及藥彥儔義誠叛于愍帝罪宜曰誅而廢帝同惡五月丙午端明殿學士左諫議大夫韓昭胤爲樞密使莊宅使劉延朗爲樞密副使庚戌馮道罷天雄軍節度使范延光爲樞密使甲寅賜勸進選人宗

子宮六月庚辰幸范延光及索自通第秋七月辛亥太
常卿盧文紀爲中書侍郎同中書門下平章事丁巳立
沛國夫人劉氏爲皇后八月辛未尚書左丞姚顛爲中
書侍郎同中書門下平章事許御署官選御署官疑是廢帝初舉兵時所置之官以其非吏部正授故須有旨方得選此於事無勸戒不必書以舊史不詳故存所不知慎傳疑也
九月契丹寇邊冬十月戊寅李愚劉昫罷十二月己亥
雄武軍節度使張延朗爲中書侍郎同中書門下平章
事契丹寇雲州庚寅幸龍門早

二年春二月甲戌范延光罷己丑追尊魯國太夫人魏
氏爲皇太后非嫡母故詳其爵氏三月辛丑忠武軍節度使趙延

壽爲樞密使夏五月辛卯宣徽南院使劉延皓爲樞密
使契丹寇邊六月癸未羣臣獻添都馬都者軍伍之名秋七月
丁酉回鶻可汗王仁美使其都督保福海來劉延皓罷
九月己酉刑部尚書房暉爲樞密使乙卯渤海遣使者
來

三年春正月乙未百濟遣使者來丁未封子重美爲雍
王三月丙午翰林學士禮部侍郎馬胤孫爲中書侍郎
同中書門下平章事河東節度使石敬瑭反夏五月乙
卯建雄軍節度使張敬達爲太原四面都招討使義武
軍節度使楊光遠爲副戊申先鋒指揮使安審信叛降

于石敬瑭已酉振武戍將安重榮叛降于敬瑭士子大
 雄軍屯駐捧聖都虞候張令昭逐其節度使劉延皓六
 月癸亥以令昭為右千牛衛將軍權知天雄軍事化
官不書以此書以甲戌宣武軍節度使范延光為天雄
者明令昭猶可以軍四面招討使秋七月戊申克魏州壬子張令昭伏誅
 癸丑彰聖指揮使張萬迪叛降于石敬瑭八月戊午契
 丹使梅里來九月甲辰張敬達及契丹戰于太原敗績
 契丹圍敬達于晉安戊申如河陽冬十月壬戌括馬籍
 民為兵十一月戊子盧龍軍節度使趙德鈞為行營都
 統丁酉契丹立晉閏月甲子楊光遠殺張敬達以其軍

叛降于契丹

敬達不書死之而書殺者敬達大將宜以

死乃飄光遠殺已以

義責光遠而謀之雖不果而見殺猶為得甲戌契丹及晉人至于潞州丁丑

至自河陽辛巳皇帝崩

年五十一帝自焚死晉高祖

嗚呼君臣之際可謂難哉蓋明者慮於未萌而前知暗
 者告以將及而不懼故先事而言則雖忠而不信事至
 而悔其可及乎重誨區區獨見潞王之禍而謀之不臧
 至於殞身赤族其隙自茲及愍帝之亡也穴於徽陵其
 土一隴路人見者皆為之悲使明宗為有知其有媿於
 重誨矣哀哉

五代史卷七終

五代史卷八

宋歐陽修撰

皇明詹事府少詹事兼翰林院侍讀學士暫掌國子監事臣敷文禎

勅重較刊

承德郎右春坊右中允管國子監司業事臣黃汝良等

奉

皇明朝列大夫國子監祭酒

臣吳士元

祭酒

臣黃錦

等

皆重修

承德郎司業仍加俸一級

臣黃錦

等

晉本紀第八

高祖聖文章武明德孝皇帝其父臬捩鷄本出於西夷

自朱邪歸唐從朱邪入居陰山其後晉王李克用起於

雲朔之間臬捩鷄以善騎射常從晉王征伐有功官至

洛州刺史臬捩鷄生敬瑭其姓石氏不知其得姓之始

萬曆二十八年刊

五代史卷八

本紀

一

也敬塘爲人沈厚寡言明宗愛之妻以女是爲永寧公主由是常隸明宗帳下號左射軍莊宗已得魏梁將劉鄩急攻清平莊宗馳救之兵未及陣爲鄩所掩敬塘以十餘騎橫槊馳擊取之以旋莊宗拊其背而壯之手啗以酥啗酥夷狄所重由是名勳軍中十五年莊宗戰於胡柳前鋒周德威戰死敬塘以左射軍從明宗復擊敗梁兵明宗戰胡盧套楊村爲梁兵所敗敬塘常脫明宗於危趙在禮之亂明宗討之至魏而兵變明宗初欲自歸于天子明已所以不反者敬塘獻計曰豈有軍變於外上將獨無事者乎且猶豫者兵家大忌不如速行願

得騎兵三百先攻汴州夷門天下之要害也得之可以成事明宗然之與之驍騎三百渡黎陽爲前鋒明宗遂入汴莊宗自洛後至不得入而兵皆潰去莊宗西還明宗以敬塘爲前鋒趣汜水且收其散卒莊宗遇弒明宗入立拜敬塘保義軍節度使賜號竭忠建策興復功臣兼六軍諸衛副使在陝爲政以廉聞是時諸侯多不奉法鄧州陶玘亳州李鄴皆以贓汚論死明宗下詔書褒廉吏普州安崇阮洛州張萬進耀州孫岳等以諷天下而以敬塘爲首天成二年十月從幸汴州爲御營使拜宣武軍節度使侍衛親軍馬步軍都指揮使六軍副使

如故改賜耀忠匡定保節功臣三年四月徙鎮天雄拜
同中書門下平章事與唐尹五月拜駙馬都尉董璋反
東川爲行營都招討使不克而還復兼六軍諸衛副使
徙鎮河陽三城未行而契丹吐渾突厥皆入寇是時秦
王從榮統六軍敬塘疑其必及禍不欲爲其副乃自請
行及制出不落副使輒復辭行明宗數責大臣問誰可
行者范延光趙延壽等卒以敬塘爲請乃拜河東節度
使大同彰國振武威塞等軍蕃漢馬步軍總管落六軍
副使乃行明年明宗崩愍帝卽位加中書令三月徙鎮
成德清泰元年五月復鎮太原來朝京師路王從珂反
於鳳翔愍帝出奔遇敬塘于道敬塘殺帝從者百餘人
幽帝于衛州而去廢帝卽位疑敬塘必反

天福元年五月徙鎮天平敬塘果不受命謂其屬曰先
帝受吾太原使老焉今無故而遷是疑吾反也且太原
地險而粟多吾當內徵諸鎮外求援於契丹可乎桑維
翰劉知遠等共以爲然乃上表論廢帝不當立請立許
王從益爲明宗嗣廢帝下詔削奪敬塘官爵命張敬達
等討之敬塘求援於契丹九月契丹耶律德光入自鴈
門與唐兵戰敬達大敗敬塘夜出北門見耶律德光約
爲父子十一月丁酉皇帝卽位

於廢帝本紀書契丹立
晉據所見也於此書皇

帝即位以自立為文原其心也晉高祖之反無契丹國之助亦必自立蓋其志在於為帝故使自任其惡也

號晉以幽涿薊檀順瀛漠蔚朔雲應新媯儒武寰州入

于契丹已亥大赦改元掌書記桑維翰為翰林學士尚

書禮部侍郎知樞密使事閏月丙寅翰林學士承旨尚

書戶部侍郎趙瑩為門下侍郎桑維翰為中書侍郎同

中書門下平章事兼樞密使甲戌趙德鈞及其子延壽

叛于唐來降契丹鑠之以歸已卯次河陽節度使裴從

簡叛于唐來降是白廢辛巳至自太原盧文紀姚顛罷

甲申大赦殺張延朗劉延朗赦房暠十二月乙酉如河

陽追降王從珂為庶人王從珂從晉人本語丁亥司空馮道兼門

下侍郎同中書門下平章事己丑曹州指揮使石重立

殺其刺史鄭玩辛卯御札求直言癸巳鎮州牙內都虞

候祕瓊逐其節度副使李彥珂同州裨將門鐸殺其將

楊漢賓庚子天平軍節度使王建立殺其副使李彥贊早

二年春正月癸亥安遠軍節度使盧文進叛降於吳丁

卯天雄軍節度使范延光殺齊州防禦使祕瓊戊寅兵

部侍郎李崧為中書侍郎同中書門下平章事樞密使

封唐宗室子為公及隋鄭公為二王後以周介公備三

恪唐宗室子史失其名書之以見二王後三恪猶存不必著其人也二月丁酉契丹使

皇太子解里來三月庚辰如汴州夏四月丁亥赦囚蠲

萬曆二十八年刊

民租賦趙瑩使于契丹辛卯宣武軍節度使楊光遠進
助國錢契丹使宮苑使李可興來五月壬戌御札求直
言丁丑追尊祖考爲皇帝妣爲皇后高祖璟諡曰孝安
廟號靖祖祖妣秦氏諡曰孝安元曾祖彬諡曰孝簡廟號
肅祖祖妣安氏諡曰孝簡恭祖昱諡曰孝平廟號睿祖
祖妣來氏諡曰孝平獻考紹雍諡曰孝元廟號獻祖妣
何氏諡曰孝元懿六月癸未契丹使夷離畢來天雄軍
節度使范延光反丁酉傳箭于義成軍節度使符彥饒
丁未楊光遠爲魏州四面行營都部署東都巡檢張從
賓反留守判官李愬死之奉國都指揮使侯益護聖都

指揮使杜重威討之從賓寇河陽殺皇子重义寇河南
殺皇子重信秋七月從賓陷汜水關殺巡檢使宋廷浩壬
子右衛大將軍尹暉叛奔于吳不克伏誅右監門衛大
將軍婁繼英叛降于張從賓義成軍亂殺戍將侍衛馬
步軍都指揮使白奉進甲寅戍將奉國指揮使馬萬執
符彥饒歸于京師命殺之于赤岡彥饒雖有從軍之罪
被誣以反而見殺故
不書誅曰命乙卯楊光遠爲魏州行營都招討使辛酉
殺嫌萬擅殺杜重威克汜水關張從賓投河死
故不書伏誅壬申楊光遠克博州
丙子安州屯防指揮使王暉殺其節度使周環右衛上
將軍李金全討之金全未至而暉走見殺故不書八月

萬曆二十八年刊
五代史卷八
本紀
五

丙申靜難軍節度使安叔干進添都馬乙巳赦非死罪
囚及張從賓符彥饒王暉餘黨九月楊光遠進粟冬十
月辛巳禁造甲兵

三年春二月戊戌諸鎮皆進物以助國殘民隳廢其上君臣同欲賄賂

公行至此而不勝其多矣故總言諸鎮此後不復書矣三月壬戌回鶻可汗王仁

美使翟全福來丁丑禁私造銅器秋七月辛酉以皇業

錢作受命寶作寶不必書皇業錢者私錢也天子畜私錢故書八月戊寅馮道

及左僕射劉昫為契丹冊禮使壬午澶州刺史馮暉降

丙戌許御署官選己丑蠲水旱民稅辛丑歸伶官于契

丹高祖以父事契丹其有所求不曰與而曰歸者若輸之也九月己酉赦范延光初

光請降高祖不許延光遂堅甲攻之又不克卒悔而赦之故不書降己未歸靜鞭官劉

威金吾勘契官王殷司天鷄叫學生殷暉于契丹于闐

使馬繼榮來回鶻使李萬金來己巳赦魏州蠲民稅是

月宣徽南院使劉處讓為樞密使冬十月戊寅契丹使

中書令韓頰來奉冊曰英武明義皇帝庚辰升汴州為

東京以洛陽為西京雍州為晉昌軍戊子右金吾衛大

將軍馬從斌使于契丹己未契丹使梅里來戊戌大赦

庚子封李聖天為大寶于闐國王十一月辛亥升廣晉

府為鄴都壬戌除鑄錢令十二月丙子封子重貴為鄭

王

四年春正月盜發唐愍皇帝墓

愍帝附于顯宗微陵城中無陵名故曰墓晉高

祖即位追諡為愍皇帝五代諸帝諡號不可為法皆不足道惟愍帝宜書者嫌嘗降為鄂王也而國亡禮闕舊史實錄皆無奏論上冊月日故雖當書而不得因事而見於此爾辛亥澶州防禦使張

從恩為樞密副使旌表深州民李自倫門閭三月乙巳

回鶻使其都督拽里敦來丙辰頒調元歷靈州戍將王

彥忠以懷遠城反巳未彥忠降供奉宮齊延祚殺之夏

四月辛巳封回鶻可汗王仁美為奉化可汗甲申廢樞

密使秋七月丙辰復禁鑄錢閏月壬申桑維翰罷八月

巳亥朔河決博平西戎寇涇州彰義軍節度使張彥澤

敗之執其首領野離羅蝦獨九月丁丑契丹使粘木孤

來癸未封李從益為郇國公以奉唐後丙戌高麗王建

使其廣評侍郎邢順來冬十二月乙亥立唐高祖太宗

莊宗明宗愍帝廟于西京戊子契丹使遙折來吐蕃罷

延族來附

五年春正月丁卯朔德音除民公私債巳丑回鶻使石

海金來夏四月甲子契丹興化王來五月丙戌安遠軍

節度使李金全叛附于唐六月癸卯李昇遣其將李承

裕入于安州金全奔于唐安遠軍節度使馬全節及承

裕戰敗之丁巳克安州承裕奔于雲夢全節執而殺之

秋八月丁酉閱稼于西郊巳未西京留守楊光遠殺太

子太師范延光九月丁卯翰林學士承旨戶部侍郎和
凝爲中書侍郎同中書門下平章事辛巳闕稼于沙臺
冬十月丁未契丹使舍利來十一月丙子冬至始用二
舞

六年春正月戊寅封唐叔虞爲興安王臺駘爲昌寧公

二月戊申停買宴錢三月除民二年至四年以前稅

見時歛重而民不堪夏四月己未契丹使述括來五月吐渾首領白

承福來秋七月壬午突厥使薛同海來八月壬辰如鄴

都開封尹鄭王重貴留守東京宣徽南院使張從恩東

京內外兵馬都監壬寅大赦甲寅光祿卿張登使于契

丹九月乙亥前安國軍節度使楊彥詢使于契丹丁丑

吐渾使白可久來河決中都入于沓河冬十月河決滑

濮鄆澶州山南東道節度使安從進反十一月丁丑西

京留守高行周爲南面軍前都部署以討之十二月丙

戌朔鄭王重貴爲廣晉尹徙封齊王先鋒都指揮使郭

海金及安從進戰于唐州敗之成德軍節度使安重榮

反天平軍節度使杜重威爲鎮州行營招討使丙申契

丹遣使者來戊戌杜重威及安重榮戰于宗城敗之

七年春正月丁巳克鎮州安重榮伏誅赦廣晉庚午契

丹使達刺來三月歸德軍節度使安彥威塞決河于滑

州閏月天興蝗食麥夏五月乙巳尊皇太妃劉氏爲皇

太后高祖所生母也六月丙辰吐渾酋以念醜漢來乙丑皇帝崩

于保昌殿年五十二

五代史卷八終

五代史卷九

宋歐陽修撰

皇明詹事府少詹事兼翰林院侍讀學士暫掌國子監事臣敖文禎

承德郎右春坊右中允管國子監司業事臣黃汝良等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

晉本紀第九

出帝父敬儒高祖兄也爲唐莊宗騎將早卒高祖以其子重貴爲子高祖六子五皆早死而重睿幼故重貴得立重貴少而謹厚善騎射高祖使博士王震教以禮記久之不能通大義謂震曰此非我家事也高祖爲契丹

萬曆二十八年刊

五代史卷九

本紀

一

所立謀以一子留守太原契丹使盡出諸子自擇之指
重貴曰此眼大者可也遂拜金紫光祿大夫行太原尹
北京留守知河東節度事天福二年九月召拜左金吾
衛上將軍三年冬為開封尹封鄭王加太尉同中書門
下平章事六年高祖幸鄴留守東京已而為廣晉尹徙
封齊王

七年六月乙丑高祖崩皇帝即位于柩前庚午使左驍
衛將軍石德超以御馬二撲祭于相州之西山夷狄之禮也
如京師使李仁廓使于契丹契丹使梅里來丙子馮道
為大行皇帝山陵使門下侍郎竇貞固為副太常卿崔

悅為禮儀使戶部侍郎呂琦為鹵簿使御史中丞王易

簡為儀仗使舊史實錄無橋道頃遠使疑不置或闕書漢高祖亦然己卯四方館

使宋崇節右金吾衛大將軍梁言使于契丹秋七月壬

辰皇祖母劉氏崩輟視朝三日高祖所生母也高祖時尊為皇太后矣其崩也

喪葬不用后禮見恩禮之薄不書曰皇太后者於帝為祖母也曰崩正其名也丁酉使石德超

撲馬于相州之西山前已備見故文省庚子大赦甲辰契丹使

通事來八月戊午高行周克襄州安從進自焚死故不書伏誅庚申

天平軍節度使景延廣義成軍節度使李守貞彰德軍

節度使郭謹進錢粟助作山陵甲子契丹使耶五來庚

午葬皇祖母於魏縣癸酉契丹使其客省使張九思來

九月辛丑李守貞爲大行皇帝山陵都部署冬十月已

未契丹使舍利來庚午回鶻遣使者來十一月契丹使

大卿來庚寅葬聖文章武孝皇帝于顯陵陵在河南壽安縣五代之

亂至此七君而不得其死者五明宗雖善終而愍帝不克葬至廢帝時始克葬故皆不書至此始見子得葬其

父故并附已亥牛羊使董殷使于契丹庚子禘高祖神

廟詳書之主于太廟辛丑蠲高祖靈車所過民租之半十二月庚

午北京留守劉知遠進百頭穹廬穹廬夷狄之用也契丹于越

使合骨支來辛未又使野里已來丙子于闐使都督劉

再昇來沙州曹元深瓜州曹元忠皆遣使者附再昇以

來旱蝗

八年春正月契丹于越使烏多與來二月壬子景延廣

爲御營使已未如東京赦廣晉府囚庚申次澶州赦囚

乙丑至自鄴都庚午寒食望祭顯陵于南莊焚御衣紙

錢焚衣野祭之類皆閭巷人之事也用之天子見禮樂壞甚三月已卯朔趙瑩罷晉

昌軍節度使桑維翰爲侍中辛丑引進使太府卿孟承

誨使于契丹蝗夏四月庚午董殷使于契丹供奉官張

福率威順軍捕蝗于陳州五月泰寧軍節度使安審信

捕蝗于中都丁亥追封皇伯敬儒爲宋王癸卯馮道罷

甲辰以旱蝗大赦六月庚戌祭蝗于臯門癸亥供奉官

七人帥奉國軍捕蝗于京畿辛未括借民粟殺藏粟者

秋七月甲午冊皇太后丁酉射于南莊契丹使梅里等
來甲辰供奉官李漢超帥奉國軍捕蝗于京畿八月丁
未朔募民捕蝗易以粟辛亥檢民青苗九月戊寅尊秦
國夫人安氏爲皇太妃丙申幸大年莊及景延廣第冬
十月戊申立馮氏爲皇后馮氏於帝
爲叔母壬子畋于近郊幸
沙臺丙寅契丹使通事劉胤來庚午括借民粟十一月
己卯董殷使于契丹甲申幸八角閱馬牧乙未契丹使
梅里來戊戌齊州刺史楊承祚奔于青州辛丑高麗使
其廣評侍郎金仁逢來十二月癸丑給事中邊光範登
州刺史郭彥威使于劫八丹甲寅高麗使太相來平盧軍

節度使楊光遠及淄州刺史翟進宗死之

開運元年春正月甲戌朔契丹寇滄州己卯陷貝州庚
辰歸德軍節度使高行周爲北面行營都部署契丹入

鴈門寇代州辛巳殿直王班使于契丹至于鄴都不得

進而復晉自高祖以父事契丹甚謹而歲時遣使舊史
實錄皆不書至出帝立使者旁午不絕不可勝

數故其官卑者皆畧而不書班以不得進故書大饑壬午前靜難軍節度使李

周留守東京景延廣爲御營使乙酉北征丙戌契丹寇

黎陽辛卯講武于澶州契丹屯于元城趙延壽寇南樂

甲午劉知遠爲幽州道行營招討使括馬丙申契丹寇

黎陽辛丑劉知遠及契丹偉王戰于秀容敗之博州刺

史周儒叛降于契丹二月戊申前軍都虞候李守貞及契丹戰于馬家渡敗之癸丑北面行營都虞候馬全節及契丹戰于北平敗之三月癸酉及契丹戰于威城契丹去戰而兩各傷失收兵徐去已丑冀州刺史白從暉晉不能追故以自去爲文及契丹戰于衡水敗之癸巳籍民爲武定軍夏四月契丹陷德州沿河巡檢使梁進敗之取德州甲寅至自瀘州赦京師已未馬全節及契丹戰于定豐敗之辛酉率借民財五月戊寅李守貞討楊光遠丁亥鄴都留守張從恩爲貝州行營都部署辛卯李守貞爲青州行營都部署六月克淄州丙午復置樞密使丁未侍中桑維翰

爲中書令充樞密使丙辰河決滑州環梁山入于汶濟秋七月辛未朔大赦改元己丑太子太傅劉昫守司空兼門下侍郎同中書門下平章事八月辛丑朔劉知遠爲北面行營都統順德軍節度使杜威爲都招討使戊辰旌表陳州項城民史仁詔門閭九月丙子契丹寇遂城樂壽代州刺史白文珂及契丹戰于七里烽敗之冬十月庚戌武寧軍節度使趙在禮爲北面行營副都統鄴都留守馬全節爲副招討使十二月己亥朔射兔于臯門丁巳楊承勳囚其父光遠以降殺之皇帝已許其不死已而命

李守貞殺之

故不書伏誅閏月乙酉德音赦青州囚契丹寇恒州

二年春正月契丹陷秦州壬子馬全節及契丹戰于榆
林兩軍皆潰戊午幸南莊張從恩留守東都辛酉高行
周爲御營使乙丑北征契丹去二月己巳幸黎陽橫海
軍節度使田武爲東北面行營都部署以備契丹日以備契
丹嫌契丹已丙子大閱于戚城丙戌閱馬於鐵丘丙申
去而命將端明殿學士尚書戶部侍郎馮玉爲戶部尚書樞密使
三月戊戌契丹陷祁州刺史沈斌死之丁未敗于戚城
庚戌馬全節克秦州辛亥易州戍將孫方諫及契丹諧
里戰于狼山敗之甲寅杜威克蒲城乙卯克遂城庚申
杜威及契丹戰于陽城敗之追奔至于衛村又敗之夏

四月戊寅勞旋于戚城己卯勞旋于王莽河甲申至
澶州赦左右軍囚庚寅大賞軍功五月丙申朔大赦丙
午幸南莊六月丁卯射于繁臺辛杜威第旱秋八月甲
子朔廢二舞丙寅和凝罷馮玉爲中書侍郎同中書門
下平章事辛未閱馬于茂澤陂丁丑括馬九月己亥閱
馬于萬龍岡幸李守貞第冬十月丁丑高麗使其廣評
侍郎韓玄珪禮賓卿金廉等來戊寅射兔于硯臺戊子
高麗使其兵部侍郎劉崇規內軍卿朴藝言來十一月
戊戌封王武爲高麗國王己巳射兔于臯門幸沙臺十
二月丁丑臘畋于郊丁亥桑維翰罷開封尹趙瑩爲中

書令李崧守侍中樞密使

三年春二月丙子回鶻使突厥陸來壬午射鴨于板橋
幸南莊夏六月孫方諫以狼山叛附于契丹丙寅契丹
寇邊已丑李守貞為行營都部署義成軍節度使皇甫
遇為副河決魚池大饑羣盜起秋七月大雨水河決楊
劉朝城武德八月辛酉河溢歷亭九月河決澶滑懷州
辛丑行營馬軍排陣使張彥澤及契丹戰于新興敗之
癸卯劉知遠及契丹戰于朔州敗之大雨霖河決臨黃
冬十月河決衛州丙寅河決原武辛未杜威為北面行
營都招討使李守貞為兵馬都監十一月永靜軍節度

使梁漢璋及契丹戰于瀛州敗績契丹寇鎮定十二月

己未杜威軍于中渡壬戌奉國都指揮使王濟及契丹

戰于滹沱敗績死之

戰將歿於陣守將歿於城而不書死者以其志未可知也或欲走而

不得或欲降而未暇遽以被殺爾若不杜威李守貞張

走不降而死節明者自書死如清是已彥澤以其軍叛降于契丹庚午射兔于沙臺壬申張彥

澤犯京師殺開封尹桑維翰契丹滅晉

出帝雖存而晉則亡矣故書滅

嗚呼余書封子重貴為鄭王又書追封皇伯敬儒為宋

王者豈無意哉禮兄弟之子猶子也重貴書子可矣敬

儒出帝父也書曰皇伯者何哉出帝立不以正而絕其

所生也蓋出帝於高祖得為子而不得為後者高祖自

有子也方高祖疾病抱其子重睿寘於馮道懷中而託之出帝豈得立邪晉之大臣既違禮廢命而立之以謂其所生而絕之以欺天下為真高祖子也禮曰為人後者為其父母服使高祖無子出帝得為後而立以正則不待絕其所生以為欺也故余書曰追封皇伯敬儒為宋王者以見其立不以正而滅絕天性臣其父而爵之以欺天下也

五代史卷九終

五代史卷十

宋歐陽脩撰

皇明詹事府少詹事兼翰林院侍讀學士督掌國子監事臣敖文禎

承德郎右春坊右中允管國子監司業事臣黃汝良等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

漢本紀第十

高祖睿文聖武昭肅孝皇帝姓劉氏初名知遠其先沙陀部人也其後世居于太原知遠弱不好弄嚴重寡言面紫色目多白睛凜如也與晉高祖俱事明宗為偏將明宗及梁人戰德勝晉高祖馬甲斷梁兵幾及知遠以

所乘馬授之復取高祖馬殿而還高祖德之高祖留守
北京以知遠為押衙潞王從珂反愍帝出奔高祖自鎮
州朝京師遇愍帝于衛州止傳舍知遠遣勇士石敢袖
鐵槌侍高祖以虞變高祖與愍帝議事未決左右欲兵
之知遠擁高祖入室敢與左右格鬪而死知遠即率兵
盡殺愍帝左右留帝傳舍而去廢帝入立高祖復鎮河
東已而有隙高祖將舉兵知遠與桑維翰密為高祖謀
畫贊成之高祖即位於太原以知遠為侍衛親軍都虞
候領保義軍節度使契丹耶律德光送高祖至潞州臨
決指知遠曰此都軍甚操刺世俗謂勇猛為操刺錄其本語無大故物

棄之天福二年遷侍衛馬步軍都指揮使領忠武軍節
度使已而以杜重威代知遠領忠武徙知遠領歸德知
遠耻與重威同制杜門不出高祖怒欲罷其兵職宰相
趙瑩以為不可高祖乃遣端明殿學士和凝就第宣諭
知遠乃受命五年徙鄴都留守九月朝京師高祖幸其
第六年拜河東節度使北京留守七年高祖崩知遠從
高祖起太原有佐命功自出帝立與契丹絕盟用兵北
方常疑知遠勲位已高幸晉多故而有異志每優尊之
拜中書令封太原王幽州道行營招討使又拜北面行
營都統開運二年四月封北平王三年五月加守太尉

然王未嘗出兵契丹寇澶州別遣僖王攻鴈門王敗之
于秀容八月殺吐渾白承福等族取其貨鉅萬良馬數
千

四年契丹犯京師出帝北遷王遣牙將王峻奉表契丹
耶律德光呼之為兒賜以木柅一木柅虜法貴之如中
國几杖非優大臣不可得峻持柅歸虜人望之皆辟道
峻還為王言契丹必不能有中國乃議建國二月戊辰
河東行軍司馬張彥威等上牋勸進辛未皇帝卽位稱

天福十二年天福晉高祖年號也天福止八年改元開
運至此四年矣漢雖建國而未有國號又
稱晉年號捨開運而追續天福為
十一二年初無義理但書其實爾磁州賊首梁暉取相

州來歸

變來降曰來歸哀斯人也是時天下無主得其
王則往歸之與乎叛于彼而來於此者異矣漢

高祖非有德之君惶惶斯人之
無所歸者猶得而歸也故曰歸武節都指揮使史弘肇

取代州殺其刺史王暉晉州將藥可儔殺其守將駱從

朗及括錢使諫議大夫趙熙來歸辛巳陝州留後趙暉

潞州留後王守恩來歸三月丙戌朔蠲河東雜稅辛卯

延州軍亂逐其節度使周密壬辰丹州指揮使高彥詢

以其州來歸壬寅契丹遜聞漢起太原畏而去故與自
去異其文遜者退避之稱

以其將蕭翰為宣武軍節度使守汴州夏四月己未右

都押衙楊邠為樞密使蕃漢兵馬都孔目官郭威權樞

密副使契丹陷相州殺梁暉癸亥立魏國夫人李氏為

萬曆二十八年刊

皇后甲子河東節度判官蘇逢吉觀察推官蘇禹珪爲
中書侍郎同中書門下平章事乙丑侍衛親軍步軍都
指揮使史弘肇取潞州戊辰奉國指揮使武行德以河
陽來歸史弘肇取澤州丙子契丹耶律德光卒于欒城
契丹入于鎮州五月甲午太原尹劉崇爲北京留守丙
申如東京蕭翰遜歸于契丹以郇國公李從益知南朝
軍國事戊申次絳州刺史李從朗來歸六月丙辰次河
陽殺李從益及其母于京師甲子至自太原戊辰改國
號漢高祖初建國無國號蓋其制詔皆無明文故關不
書然稱天福十二年則國仍號晉可知無明據
故慎於所疑爾此書改國號漢則未
改之前宜有所稱此可以推知也赦罪人蠲民稅于

開遣使者來是夏劉昫薨秋閏七月乙丑禁造契丹服
器天雄軍節度使杜重威反杜重威於晉出帝時避出
帝名去重至漢而復之
天平軍節度使高行周爲鄴都行營都部署以討之庚
辰追尊祖考爲皇帝妣爲皇后高祖湍諡曰明元廟號
文祖祖妣李氏諡曰明貞曾祖昂諡曰恭僖廟號德祖
祖妣楊氏諡曰恭惠祖僕諡曰昭憲廟號翼祖祖妣李
氏諡曰昭穆考璵諡曰章聖廟號顯祖妣安氏諡曰章
懿以漢高皇帝爲高祖光武皇帝爲世祖皆不祧八月
護聖指揮使白再榮逐契丹以鎮州來歸丙申安國軍
節度使薛懷讓殺契丹之將劉鐸入于邢州九月甲戌

吏部尚書竇貞固守司空濂門下侍郎翰林學士中書
舍人李濤爲中書侍郎同中書門下平章事庚辰北征
冬十月甲申次韋城赦河北十一月壬申杜重威降十
二月癸巳至自鄴都乾祐元年春正月乙卯大赦改元
巳未更名暉丁丑皇帝崩于萬歲殿年五十四
隱皇帝高祖第二子承祐也高祖卽位拜右衛上將軍
大內都點檢魏王承訓長而賢高祖愛之方屬以爲嗣承
訓薨高祖不豫悲哀疾劇乃以承祐屬諸將相宰相蘇
逢吉曰皇子承祐未封王請亟封之未及封而高祖崩
祕不發喪殺杜重威

乾祐元年二月辛巳封承祐周王是日皇帝卽位于柩
前壬辰右衛大將軍鳳翔巡檢使王景崇及蜀人戰于
大散關救之癸巳大赦三月壬戌竇貞固爲大行皇帝
山陵使吏部侍郎段希堯爲副太常卿張昭爲禮儀使
兵部侍郎盧價爲鹵簿使御史中丞邊蔚爲儀仗使丁
丑李濤罷護國軍節度使李守貞反陷潼關夏四月辛
巳陝州兵馬都監王王克潼關壬午永興軍將趙思綰
叛附于李守貞客省使王峻帥師屯于關西峻不命爲將又不命
討賊但命以兵實關西下文乃見命將楊邠爲中書侍郎兼吏部尚書同
中書門下平章事郭威爲樞密使鎮寧軍節度使郭從

義為永興軍兵馬都部署戊子保義軍節度使白文珂
為河中兵馬都部署河決原武五月己未回鶻遣使者
來乙亥魏州內黃民武進妻一產三男子河決滑州魚
池旱蝗秋七月戊申朔彰德軍節度使王繼弘殺其判
官張易鸛鴒食蝗丙辰禁捕鸛鴒庚申郭威同中書門
下平章事癸亥契丹鄭州刺史王彥徽來奔庚午殺成
德軍副使張鵬乙亥王景崇叛附于李守貞八月壬午
郭威討李守貞九月西面行營都虞候尙弘遷及趙思
綰戰敗績冬十月甲申吐蕃使斯漫篤蘭氈藥斯來十
一月甲寅殺太子太傅李崧滅其族壬申葬睿文聖武

昭肅孝皇帝于睿陵在河南十二月己卯彰武軍節度

使高允權殺太子太師致仕劉景巖

二年隱帝即位至此宜改元而不改元具周顯德二年

注而帝名承祐年名乾祐舉國臣民共稱而不改
避當時莫大之失本紀無譏
者但書其實後世自見也春正月乙巳朔赦囚二月

丙子蠲民紐配租夏五月李守貞之將周光遜降乙丑

趙思綰降六月辛卯回鶻首領楊彥珣來西涼府遣使

者來蝗秋七月丁巳郭威殺華州留後趙思綰于京兆

甲子克河中守貞自焚死八月郭從義殺前永興巡檢

喬守溫丙戌郭威使來獻俘冬十月契丹寇趙魏羣臣

進添都馬契丹陷內丘己丑郭威及宣徽南院使王峻

伐契丹十一月契丹遜

三年春正月西面行營都部署趙暉克鳳翔景崇自焚死故不書

伏誅丙午郭威進添都馬壬子趙暉獻馘俘二月甲戌旌

表潁州汝陰民麴溫門閭三月己酉寒食望祭于南御

園夏四月壬午郭威以樞密使為天雄軍節度使六月

癸卯河決原武秋八月達鞞來附冬十一月丙子殺楊

邠及侍衛親軍都指揮使史弘肇三司使王章皆滅其

族郭威反庚辰義成軍節度使宋延渥叛附于威壬午

威犯封丘泰寧軍節度使慕容彥超軍于七里店癸未

勞軍于北郊甲申勞軍于劉子陂慕容彥超及郭威戰

敗績開封尹侯益叛降于威郭允明反乙酉皇帝崩

十周廣順元年葬之許州陽翟縣號穎蓋而賊所葬故不書蘇逢吉白殺漢亡自隱

後四十一日周太祖始即位而斷自帝崩書漢亡者見帝崩而漢已亡矣其太后臨朝相陰公嗣立皆周所假託非誠實所以破其姦故書曰漢亡見周之

立遲也遲而難於自立則猶有自媿之心焉

嗚呼人君即位稱元年常事爾古不以為重也孔子未

脩春秋其前固已如此雖暴君昏主妄庸之史其記事

先後遠近莫不以歲月一二數之乃理之自然也其謂

一為元亦未嘗有法蓋古人之語爾古謂歲之一月亦不云一而曰正月

國語言六曰元間大呂周易列六爻曰初九及後世

大抵古人言數多不云一不獨謂年為元也曲學之士始謂孔子書元年為春秋大法遂以改元為

重事自漢以後又名年以建元而正偽紛雜稱號遂多
不勝其紀也五代亂世也其事無法而不合於理者多
矣皆不足道也至其年號乖錯以惑後世則不可以不
明初梁太祖以乾化二年遇弒明年末帝已誅友瑋黜
其鳳曆之號復稱乾化三年尚爲有說至漢高祖建國
黜晉出帝開運四年復稱天福十二年者何哉蓋以其
愛憎之私爾方出帝時漢高祖居太原常憤憤下視晉
而晉亦陽優禮之幸而未見其隙及契丹滅晉漢未嘗
有赴難之意出帝已北遷方陽以兵聲言追之至土門
而還及其卽位改元而黜開運之號則其用心可知矣

蓋其於出帝無復君臣之義而幸禍以爲利者其素志
也可勝歎哉夫所謂有諛口中必形於外者其見於是乎

五代史卷十終

萬曆二十八年刊

五代史卷十

下

五代史卷十一

宋歐陽 脩

皇明詹事府少詹事兼翰林院侍讀學士暫掌國子監事臣敷文禎

承德郎右春坊右中允管國子監司業事臣黃汝良等奉

勅重較刊

皇明朝列大夫國子監祭酒 臣吳士元

承德郎司業仍加俸 一級 臣黃 錦等奉

旨重修

周本紀第十一

太祖聖神恭肅文武孝皇帝姓郭氏邢州堯山人也父簡事晉為順州刺史劉仁恭攻破順州簡見殺子威少孤依潞州人常氏潞州留後李繼韜募勇敢士為軍本威年十八以勇力應募為人負氣好使酒繼韜特奇之

萬曆二十八年刊

五代史卷十一

本紀

十一

威嘗游于市市有屠者常以勇服其市人威醉呼屠者使進凡割肉割不如法叱之屠者披其腹示之曰爾勇者能殺我乎威卽前取刀刺殺之一市皆驚威頗自如爲吏所執繼韜惜其勇陰縱之使亡已而復召置麾下繼韜叛晉附于梁後莊宗滅梁繼韜誅死其麾下兵悉隸從馬直威以通書筭補爲軍吏好讀聞外春秋略知兵法後爲侍衛軍吏漢高祖爲侍衛親軍都虞候尤親愛之後高祖所臨鎮嘗以威從契丹滅晉漢高祖起兵太原卽皇帝位拜威樞密副使

乾祐元年正月高祖疾大漸以隱帝託威及史弘肇等

隱帝卽位拜威樞密使是歲三月河中李守貞承制思綰鳳翔王景崇相次反隱帝遣白文珂郭從義常恩等分討之久皆無功隱帝謂威曰吾欲煩公可乎威對曰臣不敢請亦不敢辭惟陛下命乃加拜威同中書門下平章事使西督諸將威居軍中延見賓客褰衣博帶及臨陣行營幅巾短後與士卒無異上所賜予與諸將會射恣其所取其餘悉以分賜士卒將士皆懽樂威至河中自柵其城東思柵其南文珂柵其西調五縣十二萬人築連壘以護三柵諸將皆以謂守貞窮寇破在旦夕不宜勞人如此威不聽已而守貞數出兵擊壞連壘

威輒補之守貞輒復出擊每出必有亡矢久之城中兵食俱盡威曰可矣乃治攻具爲期日四面攻之破其羅城守貞與妻子自焚死思綰景崇相次降隱帝勞威以王帶加檢校太師兼侍中威辭曰臣事先帝見功臣多矣未嘗以王帶賜之因言臣幸得率行伍假漢威靈以破賊者豈特臣之功皆將相之賢有以安朝廷撫內外而饋餉以時故臣得以專事征伐隱帝以威爲賢於是悉召揚邠史弘肇蘇逢吉禹珪竇貞固王章等皆賜以王帶威乃受又推功大臣請加爵賞於是加貞固司空逢吉司徒禹珪邠左右僕射已而又曰此特漢廷親近之臣耳漢諸宗室天下方鎮外暨荆浙湖南皆未及也由是濫賞遍于天下是冬契丹寇邊威以樞密使北伐至魏州契丹遜三年二月師還四月拜威鄴都留守天雄軍節度使仍以樞密使之鎮宰相蘇逢吉以謂樞密使不可以藩鎮兼領與史弘肇等固爭久之卒以樞密使行詔河北諸州皆聽威節度隱帝與李業等謀已殺史弘肇等詔鎮寧軍節度使李弘義殺侍衛步軍指揮使王殷于澶州又詔侍衛馬軍指揮使郭崇殺威及宣徽使王峻于魏詔書先至澶州弘義恐事不果反以詔書示殷殷與弘義遣人告威已而詔殺威峻使者亦馳

騎至威匿詔書召樞密使院吏魏仁浦謀於卧內仁浦勸
威反教威倒用留守印更爲詔書詔威誅諸將校以激
怒之將校皆憤然效用十一月丁丑威遂舉兵渡河隱
帝遣開封尹侯益保大軍節度使張彥超客省使閻晉
卿等率兵拒威又遣內養鷲脫覘威所嚮鷲脫爲威所
得威乃附脫奏請縛李業等送軍中隱帝得威奏以示
業等業等皆言威反狀已白乃悉誅威家屬于京師庚
辰威至滑州義成軍節度使宋延渥叛于漢來降壬午
犯封丘甲申及秦寧軍節度使慕容彥超戰于劉子陂
彥超敗奔于兗州郭允明反弒隱帝于趙村丙戌威入
京師縱火大掠戊子率百官朝太后于明德門請立嗣
君太后下令文武百寮六軍將校議擇賢明以承大統
庚寅威率百官詣明德門請立秦寧軍節度使贊爲嗣
遣太師馮道迎贊于徐州辛卯請太后臨朝聽政以王
峻爲樞密使翰林學士尙書兵部侍郎范質爲副使十
二月甲午朔威北伐契丹軍于滑州癸丑至澶州而旋
王峻遣郭崇以騎兵七百逾劉贊于宋州殺之其將鞏
延美楊溫爲贊守徐州戊午次臯門漢宰相竇貞固蘇
禹珪來勸進庚申太后制以威監國
廣順元年春正月丁卯皇帝卽位大赦改元國號周已

已上漢太后尊號曰昭聖皇太后戊寅漢劉崇自立于

太原吳蜀諸國自立皆絕而不書此書已卯馮道為中

書令二月辛丑西州回鶻使都督來丁未契丹使裊骨

支來癸丑寒食望祭于蒲池蒲池佛寺名也丁巳尚書左丞田

敏使于契丹回鶻使摩尼來三月甲戌武寧軍節度使

王彥超克徐州韋延美楊溫不書夏四月甲午立夫人

董氏為德妃五月辛未追尊祖考為皇帝妣為皇后高

祖璟諡曰睿和廟號信祖祖妣張氏諡曰睿恭曾祖諡

曰明憲廟號僖祖祖妣申氏諡曰明孝祖蘊諡曰翼

順廟號義祖祖妣韓氏諡曰翼敬考諡曰章肅廟號慶

祖妣王氏諡曰章德六月辛亥范質及戶部侍郎判三

司李穀為中書侍郎同中書門下平章事實貞固蘇禹

珪罷癸丑范質參知樞密院事丁巳宣徽北院使翟光

鄴為樞密副使秋七月戊寅幸王峻第八月壬寅契丹

來歸趙瑩之喪冬十月丙午漢人來討討加有罪漢之

攻自晉州云自晉州者見漢兵當誅罪人于京師自晉

州而入耳攻城無得失不書此書者許漢來

討十一月王峻及建雄軍節度使王彥超拒之十二月

慕容彥超反

二年春正月甲子侍衛步軍都指揮使曹英為兗州行

營都部署庚午高麗王昭使其廣評侍郎徐逢來二月

庚寅府州防禦使折德哀克計嵐軍三月丁巳朔寒食
望祭于郊戊辰內客省使鄭仁誨為樞密副使翟光鄴
罷夏五月庚申東征李穀留守東都鄭仁誨為大內都
點檢癸亥次曹州赦流罪以下囚乙亥克兗州彥超投
并死故
不書伏誅壬午赦兗州六月乙酉朔幸曲阜祠孔子庚子至
自兗州秋九月乙丑太僕少卿王演使至高麗契丹寇
邊

三年春正月乙卯麟州刺史楊重訓叛于漢來附閏月
丙戌回鶻使獨呈相溫來二月甲子貶王峻為商州司
馬三月甲申封榮為晉王不書子者榮於禮不得為子
不書子則當書其本姓又

書者周人所共諱丙戌鄭仁誨罷己丑棣州團練使王仁鎬為

右衛大將軍樞密副使夏六月大雨水秋七月契丹盧
臺軍使張藏英來奔九月吐渾党富達等來冬十月庚
申馮道為奉迎神主使十一月癸未党項使吳帖磨五
等來十二月戊申四廟神主至自西京迎之于西郊拊
于太廟壬申殺天雄軍節度使王殷乙亥享于太廟
顯德元年春正月丙子朔有事于南郊大赦元羣臣
上尊號曰聖明文武仁德皇帝戊寅罷鄴都丙戌鎮寧
軍節度使鄭仁誨為樞密使壬辰端明殿學士戶部侍
郎王溥為中書侍郎同中書門下平章事壬午鑄罷是

日皇帝崩于滋德殿

年五十一書是日連上文無崩日

五代史卷十一終

五代史卷十二

宋歐陽脩撰

皇明詹事府少詹事兼翰林院侍讀學士暫掌國子監事臣敷文禎

承德郎右春坊右中允管國子監司業事臣黃汝良等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

本紀第十二

世宗睿武孝文皇帝本姓柴氏邢州龍岡人也柴氏女適太祖是為聖穆皇后后兄守禮子榮幼從姑長太祖家以謹厚見愛太祖遂以為子太祖後稍貴榮亦壯而器貌英奇善騎射略通書史黃老性沉重寡言太祖為

漢樞密使榮爲左監門衛將軍太祖鎮天雄榮領貴州
刺史天雄軍牙內都指揮使乾祐三年冬周兵起魏犯
京師留榮守魏太祖入立拜澶州刺史鎮寧軍節度使
檢校太傅同中書門下平章事榮素爲樞密使王峻所
忌廣順三年正月來朝不得留旣而峻有罪誅三月拜
榮開封尹封晉王是冬卜以來年正月朔旦有事于南
郊而太祖遇疾不能視朝者久之

顯德元年正月丙子郊僅而成禮卽以王判內外兵馬
事壬辰太祖崩秘不發喪丙申發喪皇帝卽位于柩前
於書封晉王正其非子矣其餘假竊嗣君之禮不待譏貶而可知故皆無異辭右監門衛大將軍

軍魏仁浦爲樞密副使二月庚戌回鶻遣使者來丁卯
馮道爲大行皇帝山陵使太常卿田敏爲禮儀使兵部
尚書張昭爲鹵簿使御史中丞張煦爲儀仗使開封少
尹權判府事王敏爲橋道頓遞使漢人來討攻自潞州
三月辛巳大赦癸未鄭仁誨留守東京乙酉如潞州以
攻漢不曰伐曲在周不可以大壬辰次澤州闕兵于北
郊癸巳及劉旻戰于高原敗之與其不屈于周與追
及于高平又敗之丁酉幸潞州己亥侍衛馬軍都指揮
使樊愛能步軍都指揮使何徽伏誅壬寅天雄軍節度
使符彥卿爲河東行營都部署夏四月乙卯葬神聖文

武恭肅孝皇帝于嵩陵

在鄭州新鄭縣

汾州防禦使董希顏叛

于漢來附丙辰遼州刺史張漢超叛于漢來附辛酉取

嵐憲州壬戌立衛國夫人符氏為皇后取石沁州乙丑

馮道薨庚午赦潞州流罪以下囚如太原忻州監軍李

勅殺其刺史趙臯叛于漢來附五月丙子代州守將鄭

處謙叛于漢來附契丹救漢丁酉回鶻使因難敵略來

符彥卿及契丹戰于忻口敗績先鋒都指揮使史彥超

死之六月乙巳班師乙丑次新鄭遂拜嵩陵庚午至自

太原秋七月庚辰閱稼于南御莊癸巳樞密院直學士

工部侍郎景範為中書侍郎同中書門下平章事魏仁

浦為樞密使冬十月甲辰殺左羽林大將軍孟漢卿

二年

五代亂世以嗣君即位者五而改元不依古者四梁末帝晉出帝即位踰年宜改元而不改又明年

然後改漢隱帝則世宗皆仍舊先帝年號終其世不改而本紀無譏者但書其實自見其失也春二月

御札求直言夏五月辛未宣徽南院使向訓鳳翔節度

使王景伐蜀甲戌大毀佛寺禁民親無侍養而為僧尼

及私自度者秋九月丙寅朔頒銅禁闔戶癸丑向訓克

秦州冬十月辛未取成州戊寅高麗使王子太相融來

取階州十一月乙未朔李穀為淮南道行營都部署以

伐唐戊申王景克鳳州十二月丙戌鄭仁誨薨

三年春正月增築京城庚子向訓留守東京壬寅南征

辛亥侍衛親軍都指揮使李重進及唐人戰于正陽敗之甲寅重進為淮南道行營都招討使二月丙寅幸下蔡浮橋壬申克滁州甲戌李景來求成不荅壬午景使其臣鍾謨來奉表丙戌取揚州辛卯取泰州三月庚子內外馬步軍都軍頭袁彥為竹龍都部署是月取光舒常州書是月見取三州不同日夏四月常泰州復入于唐五月乙卯至自淮南赦京師囚六月壬申德音赦淮南囚秋七月皇后崩楊光舒滁州復入于唐八月乙丑課民種木及菲九月丙午端明殿學士左散騎常侍王朴為尚書戶部侍郎樞密副使冬十月辛酉葬宣懿皇后于懿陵土

一月庚寅廢諸祠不在祀典者乙巳殺李景之臣孫晟

書殺景臣而不書晟死蓋已深罪周殺忠臣則晟之死節自著

四年春正月己丑朔赦非死罪囚二月甲戌王朴留守

東京乙亥南征三月丁未克壽州不書劉仁贍降事見死節傳蓋仁贍實不

降故書周自克之爾克者難取之名也壽難取則見仁贍之節若不書死之者仁贍自以病死以其守節至死

故列之夏四月己巳至自壽州己卯放降卒八百歸于

蜀癸未追冊彭城郡夫人劉氏為皇后五月丙申殺密

州防禦使侯希進秋八月乙亥李穀罷王朴為樞密使

癸未蜀人來歸我濮州刺史胡立冬十月己巳王朴留

守東京三司使張美為大內都點檢壬申南征十二月

乙卯泗州守將范再遇叛于唐以其州來降庚申濠州

團練使郭廷謂以其州來降身居其地而來降者書附再遇廷謂雖以地降既降

而不居其地故不書附而書降丁丑取泰州

五年春正月丁亥取海州壬辰取靜海軍丁未克楚州

守將張彥卿鄭昭業死之自四年十二月辛酉攻之彥卿等堅守四十餘日乃克之

其不走不降可知故予其死本紀書死者十餘人宋令詢及李遐彥卿昭業皆以事跡不完不能立傳然所貴

者死爾本紀著其大節可矣二月甲寅取雄州丁卯如揚州癸酉如

瓜州三月壬午朔如秦州丁亥復如揚州辛卯幸迎鑾

已亥克淮南十有四州以江為界并前所得通十四州耳書之見其本志所

止三月辛亥李景來買宴夏四月庚申禘五室神主于

新廟壬申至自淮南回鶻達鞞遣使者來六月辛未放

降卒四千六百于唐秋七月乙酉水部員外郎韓彥卿

市銅于高麗丁亥頒均田圖九月占城國王釋利因德

縵使蕭訶散來冬十月丁酉括民租十一月庚戌作通

禮正樂十二月丙戌罷州縣課戶俸戶

六年春正月高麗王昭遣使者來辛酉女真使阿辨來

三月己酉甘州回鶻來獻玉却之庚申王朴薨丙寅宣

徽南院使吳延祚留守東京癸酉停給銅魚甲戌北征

是月吳延祚為左驍衛上將軍樞密使夏四月壬辰取

乾寧軍辛丑取益津關以為霸州癸卯取瓦橋關以為

雄州

州縣廢置不書此書重復中國故地世宗下三關瓦橋益津以建州及見淤口關上置寨故舊史實

錄皆闕不書遂不見其取

五月乙巳朔取瀛州

復中國故地故

不書

甲戌至自雄州六月癸未立皇后符氏

符氏無國

契丹符氏為皇后嫌同於不正也蓋其位先定而後

符氏無國

訓為梁王宗誼燕國公戊子占城使蒲訶散來已丑范

質王溥叅知樞密院事魏仁浦同中書門下平章事癸

巳皇帝崩于滋德殿

年三十九

恭皇帝世宗第四子宗訓也世宗即位大臣請封皇子

為王世宗謙抑久之及北取三關遇疾還京師始封宗

訓梁王時年七歲

顯德六年六月癸巳世宗崩甲午皇帝即位于柩前癸

卯范質為大行皇帝山陵使翰林學士竇儼為禮儀使

兵部尚書張昭為鹵簿使御史中丞邊歸讜為儀仗使

宣徽南院使判開封府事咎居濶為橋道頓遞使秋七

月丁未戶部尚書李濤為山陵副使度支郎中盧億為

判官八月庚寅封弟熙讓為曹王熙謹紀王熙誨斬王

壬寅高麗遣使者來九月丙寅左驍衛大將軍戴交使

于高麗冬十一月壬寅葬睿武孝文皇帝于慶陵

在鄭川

城高麗遣使者來

七年春正月甲辰遜于位

萬曆二十八年刊

卷之六

六

六

宋興五代之亡所書不同隨事為文爾梁亡見唐之速
漢亡見周之遲也唐欺天下以討賊周欺天下以
立贊故書梁亡見唐之立速則知其志不在於討賊也
漢亡見周之立遲則知立贊者偽也唐亡無辭莊宗之
弒唐已亡矣而明宗又稱唐愍帝之奔唐又亡矣而廢
帝又稱唐其亡也不可以屢書故不書也晉亡曰契丹
滅晉明言以深戒則曰遜于
位遜順也能順乎天命也

嗚呼五代本紀備矣備謂喪亂之事無所不有君臣之際可勝道哉
 梁之友珪反唐戕克寧而殺存又從粲則父子骨肉之
 恩幾何其不絕矣太妃薨而輟朝立劉氏馮氏為皇后
 則夫婦之倫幾何其不乖而不至於禽獸矣寒食野祭
 而焚紙錢居喪改元而用樂殺馬延及任園則禮樂刑
 政幾何其不壞矣至於賽雷山傳箭而撲馬則中國幾

何其不夷狄矣可謂亂世也歟而世宗區區五六年間
 取秦隴平淮右復三關威武之聲震懾夷夏而方內延
 儒學文章之士考制度脩通禮定正樂議刑統其制作
 之法皆可施於後世其為人明達英果議論偉然即位
 之明年廢天下佛寺三千三百二十六是時中國乏錢
 乃詔悉毀天下銅佛像以鑄錢嘗曰吾聞佛說以身世
 為妄而以利人為急使其真身尚在苟利於世猶欲割
 截况此銅像豈有所惜哉由是羣臣皆不敢言嘗夜讀
 書見唐元稹均田圖慨然歎曰此致治之本也王者之
 政自此始乃詔頒其圖法使吏民先習知之期以一歲

五代史卷十二
本紀
十一
大均天下之田其規爲志意豈小哉其伐南唐問宰相
李穀以計策後克淮南出穀䟽使學士陶穀爲贊而盛
以錦囊嘗置之坐側其英武之材可謂雄傑及其虛心
聽納用人不疑豈非所謂賢主哉其北取三關兵不血
刃而史家猶譏其輕社稷之重而僥倖一勝於倉卒殊
不知其料彊弱較彼我而乘述律之殆得不可失之機
此非明於決勝者孰能至哉誠非史氏之所及也

五代史卷十二終

